



1 曾4
753
13



門 1 曾 4
759
卷 13

壬寅新民叢報全編

問答第二十一

一問。讀貴報第一號。紹介新著一門。原富條。下於英文之 Political Economy。欲譯為政術理財學。比之日
本所譯經濟學。嚴氏所譯計學。雖似稍確。稍賅。然用四字之名。未免太冗。稱述往往不便。如日本書中
有所謂經濟界。經濟社會。經濟問題等文。以計字易之。固不通。以政術理財字易之。亦不通也。此學者在
中國。雖無顯門。但其事為人生所必需。隨文明而發達。吾中國開化數千年。古籍之中。豈竟一無名詞
足以當此義者。貴撰述博通羣典。必有所見。乞悉心研搜。定一雅馴之名。以惠末學。幸甚幸甚。（東京
愛讀生）

一答。政術理財學之名。冗而不適。誠如尊論。惟此名求之古籍。脗合無間者。實覺甚難。洪範八政。一曰食。
二曰貨。班書因採之為食貨志。食貨二字。頗賅此學之材料。然但有其客體。不有其主體。未能滿意。管
子有輕重篇。篇云。桓公曰。輕重有數乎。管子曰。輕重無數。物發而應之。聞聲而乘之。故為國不能來
天下之財。致天下之民。則國不可成。一輕重凡十八篇。皆言其所謂經濟學之理法者也。必求諸古名。
則輕重二字最適。然其語不通用。驟出之。亂人耳目。殆未可也。論語賜不受命。而貨殖焉。太史公用之。
以作貨殖列傳。此二字亦頗近。但所謂 Political Economy 者。合公團之富。與私人之富言之。而其注重實
在。公富貨殖。則偏於私富。不合政術之義。亦非盡當。史記有平準書。所言皆朝廷理財之事。索隱曰。大
司農屬官有平準令丞者。以均天下郡國輸斂。貴則糶之。賤則買之。平賦以相準。故命曰平準也。一按。

卷二十一 問答

漢代平準之制。所以聚集天下財富於京師。其事非為人羣全體之利益。本不足以當 *Political Economy* 之義。雖然。單舉平準二字。尚不失為均利宜民之意。且此二字出於史記。人人一望而解。而又不至與他種名詞相混。然則逕譯之為平準學。似尚不謬。由是。日本所謂經濟家。則名為平準家。經濟學者。則名為平準學者。經濟界則名為平準界。經濟社會為平準社會。經濟問題為平準問題。題施諸各種附屬名詞。似尚無窒礙。聊臚此諸義。以酬明問。並以質當世之深通此學者。並望通儒碩學。更駁詰之。而垂教焉。

(二) 問。貴報學說與學術。其界限似不甚分明。敢問其分類之命意所在。(同上)

(一) 答。就論理之原則言之。則學說可包於學術之中。以之分類。並列。頗不合論法。但本報之意。惟以紹介各種新學。開通我國民智為主。非欲藏諸名山以傳不朽也。故因便宜以分類。其不合論法者。正多。非特此兩門耳。至所以分此兩者之故。學說專取中外大儒一家之言。有左右世界之力者。擬其要領。學術則泛論諸種學問。或總論。或分論。或有形學。或無形學。以使人知學界之大勢及其概略。故不得不另為一門也。

(三) 問。日本書中金融二字。其意云何。中國當以何譯之。(同上)

(四) 問。中國近日多倡民權之論。其說大率宗法儒盧梭。然日本人譯盧梭之說。多名為天賦人權。說民權與人。權有以異乎。此兩名詞果孰當。(同上)

(以上兩條下次答覆)

(三) 問。日本書中金融二字。其意云何。中國當以何譯之。(東京愛讀生)

(三) 答。金融者指金銀行情之變動漲落。嚴氏原當譯為金銀本值。省稱銀值。惟值字僅言其性質。不言其形態。於變動漲落之象。不甚著。且省稱銀值。尤不適用於金貨本位之國。日本言金融。取金錢融通之義。如吾古者以泉名幣意也。沿用之似亦可乎。

(四) 問。中國近日多倡民權之論。其說大率宗法儒盧梭。然日本人譯盧梭之說。多名為天賦人權。說民權與人。權有以異乎。此兩名詞果孰當。(東京愛讀生)

(四) 答。民權之說。實非倡自盧梭。如希臘古賢柏拉圖。阿里士多德。亦多言之。但至十八世紀。而大昌明耳。民權兩字。其義實不賅括。乃中國人對於專制政治。一時未確定之名詞耳。天賦人權之原字。拉丁文為 *Jura innata*, *Jura connata*, 法蘭西文為 *Droits l'Homme*, *Droits humains*, 英文為 *Right of man*, 德文為 *Urecht*, *Fundamenturrecht*, *Angebotene Menschenrecht*, *Menschenrecht*, 其意謂人人生而固有之。自由自治之權利。及平等均一的權利。實天之所以與我。而他人所不可犯。不可奪者也。然則其意以為此權者。凡號稱人類。莫不有之。無論其為君為民也。其語意範圍。不專用於政治上也。故以日本譯語為當。

(五) 問。貴報第四號論說第七葉。載白沙先生崖山吊古詩二句。讀之令人愛國之心。油然而生。極欲受其全文。以資誦誦。又奇石二字。出典若何。并希示教。(上海衝冠子)

(五) 答。奇石者。崖山江海交匯處。有浮石二。高各數丈。形勢突兀。狀類門闥。故居民宇之曰上奇石。下奇石。

亦稱崖門。崖門者以石形得名也。宋帝及張陸諸烈殉國於此。賊臣張弘範實尸其功。因奇石為銘曰：「張弘範滅宋於此。」一陳白沙居近崖海。常臨憑弔。乃為冠一字刻於其上曰：「宋張弘範滅宋於此。」更題一詩於石陰云：「忍奪中華與外夷。乾坤回首重堪悲。鑄功奇石張弘範。不是胡兒是漢兒。」此石粵中多有榻本。而新會尤夥。碑旁又附一詩。則前明逸民南海陳獨漉恭尹之作也。詩曰：「山木蕭蕭風更吹。兩崖風浪至今悲。一聲望帝啼荒殿。十載愁人拜古祠。海水有門分上下。江山無界限華夷。停舟我亦艱難日。愧向蒼苔讀舊碑。」文中荒殿古祠云云者。附近居民為殉國帝后立殿。並附三忠祠。以為亡國紀念也。白沙之言。怒而嚴。獨漉之言。哀而苦。嗚呼。獨漉之遇瘡慘。而感滄深矣。

四問見前（東京愛讀生）

四續答。民人二字本無甚分別。而用民字不如用人字何也。中人多以民字對君字解之。一言民權。則淺見者且疑為無君派。而疑惑滋矣。若用人字。既祛其疑。於真理亦得。何以言之。君亦人之一分子。及為人之代表。乃名為君。實亦一人也。民字可以人字代之。更無論矣。天賦之權。包括甚大。君亦不能於此權外有所增。民亦不能有所損。總而言之。皆在此權字之中。各行其自由。不礙他人之自由是也。雖所職有不同。而賦於天者則一也。用人字括之可耳。用民字則啟人吟域之見。卓識以為何如。（京都知新書塾河北立太郎）

六問貴報中有要素二字。不得其解。譯書彙編中。亦恒用之。本當向彼處請質。今即向尊處請質。若以瑣屑不答。亦無妨。（蘇州華之范）

六答要素二字。本物理學化學上用語。素猶質也。中國人譯化學書所用原質二字。日人譯為原素。其移用於他種科學所含意義亦同。如云土地人民為立國之要素。猶云輕氣養氣為木成之原質也。要素與原字有別。望文自明。（本社記者）

七問經濟學原名 Political Economy。直譯之為政治節用學。迨 Marginal 氏而始名為 Economist。日本人譯之為經濟學。不求其理而驟觀之。則經濟似與政治混而無別。夫經者含政治之義。濟者寓泉流之旨。其與斯學本義已極相符。日本當時之定為此名。蓋已斟酌審慎而無遺議者矣。貴報第三號乃欲易為平準學。夫平準者。誠如嚴氏所謂西京一令。以名官職。不足以副斯學。乃如嚴氏之譯為計學。其名則誠雅馴矣。若謂用之處處而無扞格。則恐為賢者自許之太過也。案 *Political Economy* 者亦財政之中而獨立一學者。日本人則譯之為統計學。又曰計學。今中國之方興。人民出產國用。皆渺無定稽。是此學為中國所宜急講者矣。今若竟從嚴氏之名。則不知此後而欲譯 *Political Economy* 其將以何者而易之。貴報第七號而又名之曰生計學。雖生計二字其較嚴氏為稍善。然終嫌範圍太小。而不能以政治理財之意包括於其中。竊謂泰西近世所新發明事理。為我中國曠古所未有者。不一而足。若必一一而冠以我中國所固有名稱。是誠許子之不憚煩矣。亦恐未必有此吻合者。且舉國草創。禮部尚之檢定之例。文人結習。好尚新異。誤而用之。必至沿襲數十載。而後始能改。與其遺諸後賢。不如其仍舊貫。以俟商權。如其不然。則財政學日本亦有用之者。且包舉斯學之旨。而義界亦自清也。用以質之。以為何如。想貴撰述亦必有說者矣。（駒場紅柳生）

七答平準二字之不安。鄙人亦自知之。故既棄去。計學與 Statistics 相混。且單一名詞。不便於用。如日本所謂經濟問題。經濟世界。經濟革命等語。若易以計問題。計世界。計革命等。便覺不詞。鄙人亦既以此質問於侯官嚴氏。尚未得其覆答也。尊論謂近世所新發明事理。不能一一冠以我國固有名詞。此論誠偉。惟經濟二字。襲用日本。終覺不安。以此名中國太通行。易混學者之目。而謂其確切當於西文原義。鄙意究未敢附和也。故終願海內大雅。悉心商榷。而重定之。至謂財政二字。可以包舉斯學之旨。而義界亦清云云。鄙意殊不謂然。財政者。不過經濟學之一部分耳。指財政為經濟。無異指朝廷為國家。考德國近世學者。於此學分類定名。最為精密。其所謂 Wirtschaftsbereich 者。經濟學之總名也。或稱為 Volkswirtschaftslehre 或 Nationalökonomie。則國民經濟學之義也。又稱為 Politische Ökonomie。則政治經濟學之義也。而又分為家政經濟學 Domestic Economy 及營業經濟學 Industrial Economy 等門。至其專屬於行政者。則謂之 Wirtschaftspolizei 而其中又分兩門。一曰 Wirtschaftspolitik 日人譯為經濟政策學。二曰 Finanzwissenschaft 日人譯為財政學。然則財政學不足以包舉經濟學之全部明矣。試以日本人所通定經濟學部門列表示之。

純正經濟學

經濟學

應用經濟學

財政學

經濟政策學 (狹義之應用經濟學)

由是言之。財政學決不可用也。嚴氏又謂苟欲適俗。莫如徑用理財。是亦不可。蓋此等專用名詞。萬不可以動詞冠其上。若用理財。則其於用之於複雜名詞時。窒礙亦滋多矣。故鄙見仍欲存生計二字。以待後賢也。日本所譯諸學之名。多可仍用。惟經濟學社會學二者。竊以為必當更求新名。更望哲達有以誨之。(本社)

(八) 問。達爾文約翰彌勒赫胥黎斯賓塞等所著書。除天演論名學外。其餘諸書。日本均有譯本否。乞示復。

(八) 答。諸書多有譯本。但求其說理之明達。文筆之淵懿。能如嚴譯天演論者希矣。茲列其目奉答。

達爾文著一種

原名

Origin of Species

譯名
生物始源

譯名
經濟雜誌社

約翰彌勒著五種

原名

On Liberty

譯名
自由之理

譯名
中村敬太郎

Utilitarianism

利用論

澀谷啟藏

On The Representative Government

代議政體

前橋孝義

System of Logic

論理學綱要

Principles of Political Economy

經濟原論

天野為之

斯賓塞著六種

原名 Social Statics

譯名 社會平權論

譯者 松島剛

Principles of Sociology

社會學之原理

乘竹孝太郎

Principles of Morality

倫理原論 (未完)

田中登作

First Principles

綜合哲學原理

藤井宇平

抽譯社會學原理之第二章

政法哲學

濱野四郎

赫胥黎著 無

渡邊治

九問 貴報第四號學術第二葉小注。歐洲十四五世紀時學權由教會散諸民間情形正與此同。不知學權何由自教會而散。其情形若何。乞全錄其事實。(高郵夏子)

九答 歐洲中世以前。教育學問之權皆為教會所壟斷。羅馬教皇備極專制。即耶穌經典亦不許人讀。他可知矣。其時哲學惟有所謂士哥拉學派者。亦經由教士所傳授。當時國民教育之義未興。所有公眾教育事業皆在教會之手。欲求學者舍教會幾無所得途徑。此實束縛思想之根由也。及亞刺伯人西

漸十字軍東征。歐亞交通日頻繁。東方文明以如潮之勢而輸入。自土耳其人陷君士但丁堡。其土耳其其中博學之士皆西走於意大利。故意大利為古學復興之中心點。未幾遂將希臘前哲柏拉圖亞里士多德畢達哥拉諸賢之書譯成羅馬文者三十八種。而馬丁路得之宗教革命亦應時並起。自此以往。教會不能壟斷學權矣。其事略如右。此實歐洲開化第一關鍵。其詳具專史。若欲述之。雖累萬言不能盡也。(本社)

十問 第四號學術第二頁云。獨至獲麟以後。迄於秦始。實為中國社會變動最劇之時代。按中國當時未有社會。而貴報云最劇之時代。意即坑儒焚書之禍歟。或當時有如今日社會之舉。與社會相暗合歟。(本社)

十答 社會者日人翻譯英文 Society 之語。中國或譯之為羣。此處所謂社會。即人羣之義耳。此字近日譯日本書者多用之。已幾數見不鮮矣。本報或用羣字。或用社會字。隨筆所之。不能劃一。致淆耳目。記者當任其然。社會二字。他日亦必通行於中國無疑矣。恐讀者尚多誤以為立會之意。故贅答於此。(本社)

十一問 第八號論說第七頁日本維新之役。其倡之成之者。非有得於王學。即有得於禪宗。不知王學何派。禪宗何派。王學禪宗者何人。日本今若伊藤井上輩。曾主王學及禪宗。否。望明示之。(同上)

十一答 日本維新之先導。最有力量者。如梁川星巖。大鹽中齋。橫井小楠。佐久間象山。吉田松陰。高杉東行等。皆王學大師也。成功最盛者。為西鄉南洲。亦王學鉅子也。若伊藤井上等。後輩之乘時者耳。然伊藤及前首相山縣有朋。現首相桂太郎等。皆吉田松陰之門人。其學固自有淵源也。王學與禪宗。本相出入。故當時諸學者亦得力於禪宗。而日本佛學最盛。維新之功。方外人助力者固不少。(本社)

十二問讀貴報第八號於英文之 Political Economy 又有譯為財政學。財政二字較之日本所譯經濟學。嚴氏所譯計學。貴撰述所譯之平準學生計學。似稍切實。然尚嫌範圍太小。不能以政治理財之意。包括其中。誠如貴撰述所云。財政者不過經濟學之一部分。指財政為經濟無異指朝廷為國家。是則財政學決不可用明矣。然則終無一名詞足以定之乎。鄙意殊謂不然。夫我中國即無固有之名詞。以冠之。亦不妨創一新名詞。如泰西近今有新發明之學理。即創一新字以名之也。若必欲以我國古名詞名泰西今事理。恐亦不能確切無遺憾。貴撰述學術博通。苟悉心商榷。豈不能定一雅馴之名詞。以釋羣疑而惠末學。如不得已。則國計學似足賅此學。朝廷理財之事。由是曰日本所謂經濟家則名為國計家。經濟學者則名為國計學者。經濟界則名為國計界。經濟社會為國計社會。經濟問題為國計問題。加之各種名詞之上。似尚少窒礙之處。且此國計二字。義界既清。吾國文中亦嘗用之。人人一望即解。必無亂人耳目之弊。用以質之貴撰述。並當世之高明。尚祈互答而指正焉。無錫孫開圻。

十二答經濟不專屬諸國。國計只能賅括財政。不能及其他。至如所謂一箇人經濟。一家事經濟者。一皆嫌其單詞。不使於用。故易以生計。不得已也。本社。

十三問地輿一學。所關最大。僕于此學雖未深究。然每見異說。嘗竊誌之以備參考。今以貴報第六號中國地理大勢論首揭曰。中國面積十五倍於日本。云云。因以所知之說。錄呈高明。俾賜辨晰。為望。按中國面積十五倍於日本之說。亦僕所夙聞。而不知其所本。曾見龔古愚地輿圖攷云。皇朝一統。雖藩封不計。而幅員之廣。已南北相距五千六百九十五里。東西九千二百八十里。截長補短。約得三十兆三十五萬八千有奇方里。天津日日新聞云。十八省計地一千三百一十二萬萬三千餘方里。又同新聞載林氏解閩中女學會述略曰。一百五十三萬四千九百五十三方里。僕聞之於日本一友人。據西洋菜地輿書云。支那東部得一百三十五萬三千三百五十五方英里。而日本通行本之世界新地圖云。支那本部一百三十三萬六千八百四十方哩。按此亦以合滿蒙西藏準噶爾東土爾其斯坦計四百二十一萬八千四百一十方哩。以上諸說。言人人殊。而與貴報十五倍於日本之說。亦無一合者。貴主筆博極羣書。遨遊遍天下。當必有確說以折衷之也。〔萃庵〕

十三答鄙著所述。亦偶依舊籍。未經深考。今承糾正。惶謝何如。日本地誌之作。以山上萬次郎所著為最名家。頃覆查其大地誌。據云。中國大於日本二十七倍。復列一比較表。則日本面積二十七萬方里。中國面積七十萬方里。中國本部則二十萬方里也。豈計相離。且日本前人所稱十五倍者。殆專指本部言歟。鄙人晚學。於普通學。悉未經按規則以從事。見笑大方者不少。望海內君子更辱教之。〔飲冰〕

十四問貴報第九號言讀東書有簡便之法。慧者一句。魯者兩月。無不可以手一卷而味津津矣。其法若何。乞賜還答。幸甚。〔山陰孫廊齋〕

十四答真通東文。固非易。至讀東書。能自索解。則殊不難。鄙人初徂東時。從同學羅君學讀東籍。羅君為簡法相指授。其後續有自故鄉來者。復以此相質。則為草和文漢讀法以語之。此已亥夏五六月間事也。其書僅以一日夜之力成之。漏略草率。殊多。且其時不解日本文法。謬謬可笑者尤不少。惟以示

一二親友不敢問世也。後鄙人西游，學生諸君竟以災梨棗，今重數版矣。而一覆讀，尚覺汗顏。頃乞羅君及一二同學重為增補，改定。卷末復用此法，譯東籍十數章，以為讀例。既將脫稿矣，將與鄙者東籍月旦及羅君新著和文奇字解合印之。名曰東學津逮三種。竊謂苟依此法，不求能文而求能讀，則慧者一旬魯者兩月之語，決非夸言。印成後更當乞教，今恕不具。飲水。

附答蘇州微劫生原書卷

辱書感佩無量。所規飲水室詩話中語，文士稟白，不克檢點淨盡。誠如大教相愛相勉之言，敢不服膺。此後謹勿復蹈也。他有緣，候仍乞毋吝。賜書無任址。謹附報奉復。飲水。

問：盛丞堂近奏有云：「德意志自畢士麥以來，尊崇帝國，裁抑民權，劃然有整齊嚴肅之風。日本法之，以成明治二十年以後之政績。日德國體與我相同，亟宜取法。」其說然否？且所謂尊崇裁抑之實若何？乞登報示復，以祛疑竇。餐儂。

答：此誠我國今日第一重要之問題，亟宜研究者也。雖靡威公之奏，雖無足下之疑，固應發摘其底蘊，以與我國民共相商榷。今承明問，其敢有所隱，請竭所聞以對焉。雖然，鄙人今在旅行中，經月未讀內地報紙，於盛奏原文未獲見，未知其全體命意如何。僅就足下所徵引數言，析駁之耳。抑鄙人聞之，凡論事理者不可挾意見，苟挾意見，則其論雖是而人不樂聞。鄙人論此，不欲專持吾素昔所持之宗旨，為一筆抹煞之言。惟平心觀察，德日兩國政體所由來及其國政之實狀，以與我中國國體相比較，想盛丞堂此摺主稿之人，必曾稍讀他國歷史者。鄙人此文所徵引，無一字無來歷，在彼當能知之。則請平心一靜察，僮鄙言亦有可採者乎？如不謂然，請賜駁。若有一二可採也，請其以後慎於立言，勿徒執偏端為模稜疑似之語，以誤國計也。且吾尤望盛丞堂及當道中與丞堂同地位同意見者，一讀此焉。苟其無愛國心，徒借此以保位固寵也，則吾亦何責焉。苟真欲於國家前途有所布置也，則芻蕘之言固不可以不留意也。

論德國之政治，不可不先明德德國體之特色。德意志者，聯邦之帝國也。故向論德國政治者，必分為帝國政治、聯邦政治二項。聯邦二十餘，而普魯士最大。今以普代表聯邦，以下請分德意志帝國政治、普魯士王國政治兩種而論之。

德意志帝國之皇帝，語其實際，雖謂今世列國中元首之權之強盛者，以彼為最可也。何也？彼非如英國皇帝之徒擁虛位，彼非如美法各國之大統領，對於議會而負責任，彼實掌握全帝國大小政務一切實權者也。雖然，此權何自而來，及其權限之有無，不可不證諸彼國之憲法。德意志憲法首證明其為聯邦國（Federal State），所以示別於合眾國（Unitary State）也。故德意志帝國之主權，非在皇帝，而在其聯邦之諸王侯及三自由市府。皇帝不過其政治團體之長官，此德國憲法精神所明示也。故其君權非無限而有限也。限之者何？即其憲法之意。明言德意志帝國，非以皇帝之特權而統治之，實以法律之力而統治之也。釋人於旅行中，遂中無各國憲法正文，故不能具引原文，加以解焉。法律何自始，即各聯邦之公意是也。然則德國固亦有限君權之國，而其皇帝之權，實由各聯邦賦畀之明也。然則其皇權以何因緣而能得如此之強大？曰是有頗奇妙不可思議者。德國之主權，全在其聯邦參議院（Bundestag）。

inestrath

而皇帝實以普魯士王之資格德國皇位由普王世襲讀為此參議院之議長皇帝非親為之而因以行用此主權者也。聯邦參議院者何。由各聯邦政府派出代表人。以結成此團體。其議員共五十七人。內普魯士十七人。巴里亞六人。索遜及華丁比爾各四人。巴典及黑遜各三人。迷克靈卜。梭威靈布蘭士域各二人。其餘十七邦各一人。凡議事時之投票。不論其邦議員之數為一人為多人。但一邦之投票。皆須同一樣。蓋以其合體以代表本邦政府也。以此之故。故普魯士邦之意見。常得制勝於參議院。何以故。聯邦參議院之議長。必以普魯士王國之宰相即德意志帝國宰相充之。議事時。若可。否投票。兩兩相等。則取決於議長。而議長一人之意見。即普魯士代表員十七人之意見也。故議長即普魯士宰相。所發議。不待開議時。而贊成之者。已定有十七人。此普魯士所以能握大權於此參議院。而亦即德皇權所以獨鞏固之由也。一國之主權。在聯邦參議院。聯邦參議院之權。在帝國大宰相所兼任之議長。而任免此大宰相之權。在皇帝。故德皇得以此間接力。而握一國之實權也。但觀於此。亦可知其權之有所受之。而非如古代所謂天賦神權者之無理取鬧亦明矣。德國大宰相之職。權與其餘各立憲國之宰相。大有所異。其名雖為責任大臣。Responsible Minister。其實非如英法等國有所謂對國會之責任。Parliamentary Responsibility。者存也。英法之政府大臣。其所建政策。必須求協贊於國會。若國會反對者居多數。則大臣不可不引責而辭職。德國不然。政府之政策。雖不可不報告於國會。然國會雖反對。而宰相可以不去其位。質而論之。則德國宰相。乃對於法律而負責任。非對於議院而負責任也。世人所謂德國君權特強者。即在此點。然德國何以如是。何以不得不如是。則亦有故。

德意志帝國者。新造之國也。前此固未嘗有此國存也。前此日耳曼皇帝之位。屢為異族所據。而十九世紀上半紀。奧大利猶握其實權。至畢士麥起。始屏奧大利於日耳曼國。而新造此雄邦。德意志帝國之所以能立。皆普魯士王國之力也。故普魯士人常欲占大權於此國之中。苟其皇與宰相對於國會而負責任。則為宰相者。安能保其必為普魯士人。如是則普魯士之威權。將漸墜矣。故德國之所以獨尊君權。為普魯士計也。然則普人私乎。曰。以正理論。不得不謂之私。吾意數十年或一二百年。其時也。以今日國勢論之。義固不可不出此。何也。無普魯士。則無德意志也。自餘各國。若非藉普魯士之餘蔭。則至今仍為他族所軌制。終不能為一獨立國。又安能坐享世界第一等國民之資格也。故諸聯邦之所以得有今日也。諸聯邦之公民。所以得有今日也。皆食普魯士之賜也。故普魯士宜握帝國之大權者一也。又使今日普魯士而將此持權拋棄。讓與他小邦。則他小邦無可以保持此龐大帝國之力量。則帝國將被侵削。而仍復千八百六十六年以前之舊觀。固非普之利。亦豈他邦之利也。故普魯士宜握帝國之大權者二也。由此言之。則德國君權所自來。可以見矣。盛衰謂德國尊崇帝國。斯固然矣。至謂其裁抑民權。則吾不知何據也。凡其國苟無國會者。則民權必裁抑。其有完全之國會者。則民權未有不能伸者也。今且勿論其聯邦。仍論其帝國。德意志之立法部。以聯邦參議院及代議院。Bundestag及Reichstag。兩者組織而成。即所謂國會者也。據其憲法所規定。則代議院者。實代表德意志全國人民。以監督政府者也。監督之道。奈何。凡帝國大臣。不可不對於法律而負責任。而法律之頒定。不可不仰代議院之贊成。是即監督權之最大者也。一國民但得有此權。則他權之得。

與不得猶無害也。吾聞德意志之民權。可以裁抑政府矣。未聞政府可以裁抑民權也。至宰相之去就。非議院所能左右。此其權固稍遜於英國。然彼有特別原因而出於此。前節言之詳矣。而豈畢士麥以裁抑民權為治國之策也。

至語其聯邦政治。則雖謂德國民權不讓英國焉可也。據其帝國憲法言。德意志帝國。有立法上之主權。聯邦各州。惟有自治 Autonomy 之權而已。雖然。徵諸實際。其帝國雖承各聯邦賦與此重大無上之權。然其實行之者。不過一小部分耳。小部分者何。即監督諸邦是也。帝國所布之法律。諸聯邦所以實行之者。其範圍如何。其方法如何。一仍聽聯邦之自為也。據憲法則凡民法刑法皆由帝國頒立。實則聯邦之自為奈何。一皆取決於其本邦之議會。實則德意志帝國除外交軍事郵運財政專指帝國政數大端外。其餘政權。仍皆在各聯邦政府之手。各聯邦政府之權。又在各聯邦公民之手。於此而猶謂德意志公民之權被裁抑也。吾不得不駭此摺捉刀人之固陋。而疾其武斷矣。

抑民權之有無。不徒在議院參政也。而尤在地方自治地方自治之力強者。則其民權必盛。不然必衰。法國號稱民主。而其民權反遠遜英國者。以其地方自治之力微也。至於德國。則今日全世界上號稱地方制度最完備之國也。餘邦勿論。請專論普魯士。日耳曼人素以自由種子著聞。種子從日耳曼來。遂漸徧於全世界。其歷史上之成績。既歷歷不可掩。及士達因 Bismarck 相普。初九世而制度益鞏固。及一千八百七十二年之改革。而權力益擴張。今請言其略。普國地方機關。分為五種。一曰蒲羅溫士 Province 假名。二曰的士得列提 District 假名。三曰梭克里 Kreis 假名。四曰倫治米因德 Landgemeinde 假名。五曰士他治米因德 Stadtgemeinde 假名。以此省府縣鄉之名。非確譯也。但假者之中。惟府非自治體。其餘皆自治體。而縣實統於省。鄉市實統於縣。一省之中。其政治機關有二。一曰專掌行政。代表國家及其監督權者。巡撫假名 Gubernator President 今亦主之。二曰專掌立法。代表本省及其自治權者。省長及省立法院 Provincial Parliam. 主之。二者權限劃然。絲毫不能侵越。普魯士憲法云。省也者。一省之人相結合。而凡關涉於本省之事務。皆得有自治權利者也。其語意可謂分明。一省之立法院。即議自其省中各縣之人。分區選出議員。而組織之。又由此立法院公舉省長。一省及省行政會會員。此專理自治。其民權之完備如此。其餘縣鄉市之制度。亦大略相同。特有大小之殊耳。由此言之。普國地方自治之權。與英國殆不相上下矣。其餘各聯邦。夫地方自治者。民權之第一基礎也。今德國之尊重自治權也。如彼。而威摺乃謂其裁抑民權。吾誠不知其所指者何事。而所據者何史也。

至於日本。其文明程度。殊屬幼稚。遠下於歐洲數等。但今且勿具論。日本之崇拜德國。固也。雖然。亦未見如威摺所云也。謂日本尊崇君主。則可謂日本尊崇君權。有語病矣。至謂其裁抑民權。又夢囈之言也。日本之君權。稍優於英國。而遠遜於德國。何以言之。君權之輕重。一視其政府大臣對於議院所負之責任何如。英國政府大臣。對於議會。而負完全之責任。苟不能制多數者。決不得安其位。大臣去就之權。一在議院。故英之君權。幾於無德國反是。故德之君權。為各立憲國君主之冠。若普王之權。則者異人也。其所代表者。其權限亦異。若日本憲法。則英國之類。而非德國之類也。日本之例。凡政府政策。如在議院被

反對者則可以請天皇解散議會。命再選舉。再選舉而再被多數之反對。則可為政府大臣不孚與望之證。必引責辭。此英國之先例。各國所踵行。而日本亦無以易者也。英國舊例。必待再選舉開院後。蘭斯頓的士黎里兩大政治家。抗爭時代。每於解散議會後。待其再舉時。視議員中屬於我黨者幾何。人苟察其不能制多數。則不俟再開院。先行辭職。此後以為常例。日本當明治三十一年。伊藤博文為宰相時。以選定之舉。大為議院所反對。伊藤乃辭職。及再選舉時。而民間自由進步兩黨合而為一。以抗政府。改選之舉。伊藤察其必再被反對。遂引責去。而憲政黨首領繼為宰相。即行英國格的兩相。宰相及各部大臣。為一國行政之長官。而黜陟此長官之權。一在代表民意之議院。於此而猶謂之裁抑民權。吾不知如何而始為伸也。但日本民智尚狹。民德未醇。故其民間所立之政黨。殊未完備。不能與藩閥老輩代興。此其所以。下於英國一等也。雖然。此由其自力不足使然。優勝劣敗之公例。不得不爾。而非在上者從而裁抑之也。彼其自開國會以來。至今凡為政黨內閣者兩次。一曰明治三十一年憲政黨之大隈內閣。一為明治三十三年立憲政友會之伊藤內閣。然皆不過半年。遽爾崩潰。其崩潰也。皆非由反對黨推倒之也。其黨內自訌使然也。此可以為日本政黨內力不完之明證矣。政黨不完。亦即民智民德不克之表記也。故日本民權之不逮歐美也。非有裁抑之者也。初萌始達而未成一蹴以臻於完備之域也。然其民日斯邁而月斯征焉。吾信其此後必有能如英國之一日也。彼為威捉刀者。徒見日本憲法有天皇無責任。天皇神聖不可侵犯。天皇有種種特權之文。而遽曰日本尊崇君權。裁抑民權。抑何不考其立法之精神。察其現行之情實也。又彼有以成明治二十年以後之政績二語。吾不知其所指者為一何。推其意。殆以明治二十年以前。法國學派極盛。二十年以後。德國學派代興也。果爾。則此公必嘗稍讀日本書。略知其情者也。則吾更欲與彼一言。公所謂明治二十年以後之政績者。則孰有過於二十三年之開國會者乎。開國會為伸民權乎。為抑民權乎。公當能自辨。無待余喋喋者。公必以為二十年以前。則民氣囂張。以後則民氣馴靖。以是為德國學派之明效也。不知前此之囂張。為求民權耳。求而既得之。更何囂張之與。雖無德國學代興。猶之馴靖也。抑前此之囂張。其為益於日本乎。其為害於日本乎。吾則曰。其益無量也。苟非有此。則日本至今猶未開國會焉。未可知也。自板垣退助。副島種臣等請立議院。不報。旅行無書。可查份大約在明治十一年。前後。全國議論洶湧。盧梭民約等類之書。幾於家絃戶誦。政府至將民黨中鋒鋒者十餘人。放逐於外。而明治十三四年間。其風潮正達最高點。政府亦不得不從民欲。遂於十四年下詔。許以二十三年開國會。自是以後。舉國晏然矣。故明治二十年以後之政績。實由明治七八年至十三四年間所鼓吹之孕育之而得此者也。而要其最大關目。則不過定君權使有限。伸民權使同治而已。而威摺之為此言。抑何其與情實正相反背也。

威摺又謂日德國體。與我相同。吾滋惑焉。德為聯邦之國。我為大一統之國。德為新造之國。我為四千年古國。是皆正相反對者。其相同之點在何處。吾苦不能得也。日本宜稍相近者。然日本之王室。自一千五百年來。未嘗易姓。藉昔嘗戲號為地。彼都人士。日沾沾焉。翹以示人。自謂皇統萬世一系。其國體為地球萬國所無。而我國則四千年來。征誅篡禪。自秦以後。未有五百年無新王興者。謂其與日本國體正同。誰能信之。推威摺之意。必以為同為君主國。故曰相同。然世界中君主國亦多矣。何必偏舉此絕相反對之德。日以為比例。且公之意。欲尊君權耳。然則何不舉俄羅斯。俄羅斯國土之大。與我同。王

統之屢易與我同。專制之久與我同。誠哉其同也。然公殆知俄羅斯政體之野蠻。不敢舉不忍舉也。是則威承堂之差強人意也。然則何不舉英吉利。吾以為君主之尊榮者莫如英吉利。君位之鞏固者莫如英吉利。故欲尊其君者不可不學英吉利。欲安其國者不可不學英吉利。吾國國民程度雖與英吉利大相遠。至如公之所謂國體者則與德日大異。而與英吉利不甚相遠。公胡不舉英吉利。至所引威摺末一語。謂亟宜取法德國日本。則富哉言矣。羣公如皆同此心。我后而肯採此言。斯真中國之福也。雖然。苟其法之必當似之。法其一二而遺其十百。法其小節而遺其大端。而曰我法日本我法德國。日德不任受也。法日德奈何。亦曰法其伸民權以護君權而已。威摺之不言法俄羅斯也。蓋猶知俄羅斯之君權非可高枕為樂之君權也。言國體而知日德之當法。不可謂非思想之一進步。炙手可熱之當道。而有此思想。此吾所歡喜無量也。雖然。其必標明裁抑民權四字則何也。得毋以民權與君主不兩立耶。今且勿論英國。即以彼所舉之日本德國論。證以鄙人所徵引。其兩立耶。其不兩立耶。是亦可以鑒矣。平心論之。謂民權興而君權必無所損。此自大過之論。在專制政體之國而興民權。則必不可不將前此固有之君權。割出一部分以讓之於下。雖鄙人亦無容為諱者也。然究其實。則所損者果為君權乎。是亦不然。專制國之君主實非能有完全之大權也。其權或在朝臣。或在外戚。或在官寺。我國數千歷史如貉一邱矣。即在今日君權之蝕於官者幾何。君權之蝕於胥吏者幾何。質而言之。則一國之主權。君主所能有者不過十分之二三耳。苟開國會興民權之後。而君主所能有之主權。斷不止二三也。大抵今日德國君主有一國主權十之四五所割出之一部分。不過自朝官胥吏之手而移諸民。非自君之手而移諸民也。然則雖謂民權而君權反增可也。雖然。其所異者。在一有限。一無限。君權而無限也。則有英明仁武雄才大略之主出焉。而善用之。可以驟進其國於富強。雖然。此等君主。間世而不一遇者也。苟易葉焉。傳諸其子孫。則必有濫用此權。而致一國之民不聊生者。雖然。此又豈君主之利也。既以一身攬其全權。則不可不以身負其責任。雖法律上無責任之明文。而一國人民心目中。固不得不以此責任科君主。此事所必至。理所固然。欲避而不能避者。責任既集於一身矣。其有失政。則怨毒歸之。此革命之禍。所以不絕於四千年史冊中也。而君主究何利焉。故人臣之愛其君者。苟能保其君之子孫。人人皆放勳重華。代代皆漢文唐太。則雖不言君權之有限可也。而不然者。則惟其限之。乃所以保之為君者亦然。苟欲自愛護其大位。以傳諸無窮也。舍伸民權以自限而限其子孫。其奚術哉。其奚術哉。且人亦未必以無限之權為樂。若今日英國之君主。日本之君主。豈非享盡天地間第一奇福者耶。以視俄羅斯之朝避猛虎。夕避長蛇。何如哉。此義今在我國青年學界中。稍知外事者。皆能言焉。而當道有力者。猶夢夢然。語及民權二字。則畏之如蝎。如蛇。是真可歎者。也。至如威承堂此摺之主稿者。謂其絕不知外事焉。不可也。度其人必嘗游日本。或嘗讀日本書數種。而乃為此影響失實之言。以惑人心。而阻一國之進步。吾不知其誠何心也。其不知而誤會耶。是可恕也。讀鄙人茲篇。請君改之。其不肯服耶。請君駁之。而不然者。則必昧良心。造謠言。媚當道。以取富貴者。是則可誅也。吾且更為當道諸公一言。公等而有一二分之忠君愛國心也。則宜速擲棄其裁抑民權一語。勿使置之念頭。不然。民權之大勢。終非公等之所能敵也。昔魯仲連亦一匹夫耳。猶言吾甯蹈東海而死。吾不忍

之手而移諸民也。然則雖謂民權而君權反增可也。雖然。其所異者。在一有限。一無限。君權而無限也。則有英明仁武雄才大略之主出焉。而善用之。可以驟進其國於富強。雖然。此等君主。間世而不一遇者也。苟易葉焉。傳諸其子孫。則必有濫用此權。而致一國之民不聊生者。雖然。此又豈君主之利也。既以一身攬其全權。則不可不以身負其責任。雖法律上無責任之明文。而一國人民心目中。固不得不以此責任科君主。此事所必至。理所固然。欲避而不能避者。責任既集於一身矣。其有失政。則怨毒歸之。此革命之禍。所以不絕於四千年史冊中也。而君主究何利焉。故人臣之愛其君者。苟能保其君之子孫。人人皆放勳重華。代代皆漢文唐太。則雖不言君權之有限可也。而不然者。則惟其限之。乃所以保之為君者亦然。苟欲自愛護其大位。以傳諸無窮也。舍伸民權以自限而限其子孫。其奚術哉。其奚術哉。且人亦未必以無限之權為樂。若今日英國之君主。日本之君主。豈非享盡天地間第一奇福者耶。以視俄羅斯之朝避猛虎。夕避長蛇。何如哉。此義今在我國青年學界中。稍知外事者。皆能言焉。而當道有力者。猶夢夢然。語及民權二字。則畏之如蝎。如蛇。是真可歎者。也。至如威承堂此摺之主稿者。謂其絕不知外事焉。不可也。度其人必嘗游日本。或嘗讀日本書數種。而乃為此影響失實之言。以惑人心。而阻一國之進步。吾不知其誠何心也。其不知而誤會耶。是可恕也。讀鄙人茲篇。請君改之。其不肯服耶。請君駁之。而不然者。則必昧良心。造謠言。媚當道。以取富貴者。是則可誅也。吾且更為當道諸公一言。公等而有一二分之忠君愛國心也。則宜速擲棄其裁抑民權一語。勿使置之念頭。不然。民權之大勢。終非公等之所能敵也。昔魯仲連亦一匹夫耳。猶言吾甯蹈東海而死。吾不忍

立各私其民。當時海禁嚴嚴，民不得出海，外不甯，惟是乃至此藩之民，與彼藩之民，不許相往來。吉田松陰即曾以此獲罪者也。即此一端，可以推見其他不能枚舉。（飲水）

問：譚瀏陽先生所著仁學一書，有謂其仿美國某士書而作者，此語信乎？（同上）

答：所謂某士者，不知指誰。惟瀏陽先生未通西文，其讀西籍皆據譯本。前此中國譯本之書，無一可以備瀏陽先生取仿之資格者。鄙人所敢斷言也。惟其中以太雨字之名詞出於佛蘭雅所著治心免病法中。當時先生亦頗好此書，以譯本太寒儉，聞足音蹙然而喜也。然此等書，何足以望先生之一指趾。稍有眼力者，當能辨之。先生當時宗教之思想極盛，欲會通孔佛耶而為一，而所得力者，尤在佛學。智者慈恩圭峰以後一人而已。訛誕不先生又深於算，且好研究質化學，以當時一無憑藉，而能為此等言實天縱也。使今日先生猶在其鼓鑄天下之力，更當何如耶。念此慨然，鄙人行將有譚瀏陽之著，當更揭先生之真面目，以告天下。（飲水）

問：英克林威爾振臂一呼，國會軍聲勢大振。卒以議院之議，斬查爾斯。此等人物，此等事業，誠國民所當膜拜所當誦頌者。其後獨攬大權，解散議院，頗似蹈查爾斯覆轍。然史稱英國強盛，人民安樂，果何故歟？克將軍之行為，與查爾斯輩有異歟？願貴撰述有以教我。（無錫自由室主）

答：克將軍乃英國清教徒中之最志芳行潔者。其嗜自由如性命，非與拿破崙輩懷抱野心者可同日語也。將軍生平毀譽最雜，雖蓋棺後二百餘年，而至今尚似未論定。蓋由當時王黨及腐敗教士嫉之已甚，於其死後著書詆之者，汗牛充棟，而將軍亦獨斷獨行，率其心之所安，旁若無人，往往授人以可議

之迹。如征愛蘭之役，解散議院之役，其尤著者也。要之苟平心以讀英國史，則知當時之議院萬不可以不散。蓋長期國會已歷五年前，此代表一國民意者。今一國民意已非彼等所能代表矣。而彼等欲藉此以行議院專制立法行政機關，合而為一，危國家莫甚焉。將軍之解散，豈為己哉？為國而已。鄙人人生平最崇拜克將軍，見日本人所著歷史，率皆信狂吠之口，羅織以攻將軍者，蒙竊憤焉。行將廣徵諸書，草一將軍傳，以伸義憤於我國也。（飲水）

新智識之雜貨店

▲人壽進化。衛生學日明。政治風俗日美。則人壽自漸增加。西人近以統計學算之。十七世紀歐洲人平均得壽十三歲。十八世紀平均得壽二十歲。十九世紀驟增至平均三十六歲。然則二十世紀果何如。各方各國又果何如。

▲腦精代謝。人之腦含有三萬萬箇細胞。此細胞新陳代謝約六十日而全易。即一日換五百萬箇。一點鐘換二十萬箇。一分鐘換三千五百箇。佛說我身非我有。信然。

▲空氣與水。凡人在無空氣之地五分內即死。在無水之地一禮拜即死。不得睡眠十日內即死。

▲魚之睡眠。魚常睡而不熟睡。但當其睡時。斑紋之色常變。比於醒時尤為美觀。亦有一種魚。睡時全變其色者。

▲牡蠣之力。世界動物中最強有力者以牡蠣為第一。人若有能力比牡蠣者。則可以擔荷二百九十七萬六千磅之重云。

▲蝸牛之頭。將蝸牛之頭切去。置之於多濕氣而冷之處。不惟可以不死。且不久將另生出第二之頭云。

▲印度猛獸。英屬印度近年猛獸之害漸減。據其地政府去年之報告。本年人之被害者不過一萬一。

千人畜之被害者不過九萬頭。

▲阿刺伯馬。阿刺伯產最良之馬。於夏日能以二十四點鐘。於冬日能以四十八點鐘。不飲不食而行沙漠中。

▲蠻人食品。阿非利加及南洋土人以蜘蛛及各種蟲類為最美之食品。

▲接吻時刻。歐人之新夫婦結婚前後數年間接吻最多之時期也。大約每日男接於女女接於男者最少各一百回。合計共二百回。則五年間共三十六萬五千回。一回約費時十秒。則五年內為接吻之事。竟枉費去四十二日零六點鐘。此亦文明人種之所以為文明耶。一笑。

▲男女毛髮。男女毛髮有區別。以顯微鏡視之可得。

▲古代貨幣。前代發行之貨幣。每用許多奇式。千七百八十七年。美國所鑄之幣。其文曰 Mind your own Business。譯言用心於汝自己之事務也。印度之銀幣有文曰 Do not steal。譯言勿偷我。

▲世界貨幣。現通行於世界之貨幣總數。凡金幣七十一萬萬零六千五百二十一萬圓。凡銀幣八千萬萬零八千五百四十萬圓。凡銅幣三十二萬萬零一千萬圓。此三年前英國統計學者所查得也。

▲德皇治事。德國皇帝近來每日接到之書信約六百封云。

▲製造香梘。英國每一禮拜所製出之香梘四萬五千噸。其中四千噸製自倫敦。

▲植物種類。歐羅巴全洲植物種類不過一萬。印度一國乃有一萬五千。

▲國旗滅亡。四十四年前即一千八百五十八年。倫敦之泰晤士週報附錄世界國旗為數凡三千五百。

種今日已減去十一種。

▲地球之重。地理之重率。以噸數起算。則於6位之下加二十一箇。是也。

▲最小之市。西人 City 之名。或譯為市。蓋大都會之意也。現世界中有冒大都會之名。而市內僅有三間屋者。則美國之士倭雪地 Sawaii City 是也。其三間屋則一市長衙門。二副市長衙門。三市會議長之家也。

▲亞非利加黑人之孩童。始生時甚白。不出一年變為紫色。爾後日趨日黑。至三十歲遂成漆精。

▲世界中不學之人。以羅馬尼亞國為最。全國人口六百萬人。有四百萬不識字云。

▲合地球蝴蝶之種類約有二萬。

▲舊織之種類有七百六十八。

▲美國所有電話之線。總計長百二十萬英里。以之沿赤道圍繞全球。可重四十八匹。又比諸地球距月之長線加五倍云。

▲美國去年一年中新刊小說。共八百六十九種。著者共四百六十七人。一人著一種以上者僅五十人。又其中之三百九人係男子。百五十八人係婦人之小說家。

▲美國近十二年間。劫掠汽車之大盜案。三百六件。昨年一年中十二件。

▲燕子飛行之速率。每點鐘能行百二十八英里。二分之一。

▲鳥之翼力。比諸人之腕力。強二十倍。

▲世界中之動物除人之外無處不有者只犬耳。

▲澳洲之羊八千七百萬頭。

▲以寺院與人口比例而計澳洲寺院為最多。美國次之。第三英國。第四西班牙。

▲巴黎去年一年中用以為食料者蝸牛八百噸。

▲英國人之食物其百分之十四係用喇喇薯之原料。

▲凡地高出海面二千三百英尺以上。葡萄不生。三千三百五英尺以上。櫻樹不生。至七千英尺以上。則并檜樹亦不生。

▲陸上之樹木最能耐水浸者以橄欖木為第一。

▲各國人之中以澳洲人為最多飲茶。紐西倫人次之。

▲北半球平均溫度正月四十八度。九月七十度。九月。

▲歐洲人種中身材最長者係英國之上流人。平均五英尺九寸一四。最矮者係法國下等工人。平均五英尺五寸四分之一。

▲英國人之能從事于戰鬥者有百二十萬二千人。

▲凡小河平方五英尺。深一英尺。其流之速力一秒鐘二十英尺者。可供九萬人之汲飲而有餘。

▲美國大總統之就職者以現任之羅斯福為最年少(四十四)以哈利遜為最年老(六十八)。

▲德國人有百萬馬克。以上者伯林十三百六人。富蘭科通綿四百四十七人。迦倫二百七十人。

▲倫敦之市廳。昨一年中支出三千四百萬圓。

▲列國中號稱為國者以其海軍與人口比較其海軍力最少者係墨西哥僅有水雷五艘。砲艦兩艘。巡洋艦兩艘。士官九十人。水兵五百人。

▲暴雨之速力平均一點鐘走二十八英里二之一。

▲倫敦一日中製造信封之數五百萬個。針十七百萬。鉛筆四十萬枝。

▲華盛頓死于十八世紀最終於年最終於月最終於週最終於日最終於時。

▲凡生物中以鯨皮為最厚。

▲英國之婚禮以月而計則四月為最多。以日而計則十二月三十一日為最多。

▲印度孟買之火車站為世界火車站工事中最高費多金者。

▲以百萬人中比較盲眼者有六十五人。

◎奈端嘗言將來科學進步必有一點鐘能行五十英里者。當時人皆笑其誕妄。自火車一出其言已見諸實事。今世界火車之最速者每點鐘能行七十英里。已出人意外矣。近來德國在柏林左勝之間設一

雷氣車每點鐘能行一百十英里。即中里三百六十里有奇。可謂快矣。

◎近有人在印度深山古木之中尋出一種奇樹。其葉蓄雷氣甚多。以手觸之。與拿著千人震無異。正午

時候其力最強。至夜半則絕無之。雨天亦然。此樹又與攝石大有影響。在七十英尺以內置一羅盤針。則

搖動不止云。

馬達加斯加亦有一種奇樹號旅人樹有幹無枝葉生於幹其形如扇長六英尺至八英尺闊四英尺至六英尺每一樹最多者不過二十四葉葉柄有一物與茶杯相類常蓄冷水行人渴時以長槍刺之水下流接口飲之與飲水無異

瑞士人普魯布士近用新法製成一種救命衣七月十三日曾在舍彌華湖試演普氏自穿此衣一躍入水自六點鐘至十一點鐘在水中遊行自在與在陸上無異毫無倦容其衣用樹膠造成萬無入水之弊其腰部有一囊可藏什物又能帶護身之器雖值大魚亦不足懼其航海者必不可少之物也

英人霸通自二十年前開戶章思欲造一空中戰艦屢經失損至近日始告成功其造法合空中飛行器及輕氣球而成可以上下自如又極安穩船長百八十英尺輕氣球作呂宋烟形最大直徑四十一尺長七十二尺其面積可容十五萬六千立方尺煤氣法國政府許出重金買其新法霸通為本國計堅意不肯今英國陸軍省已下一命令其趕速製造云

美國陸軍省近發出魯額短鎗一千枝給與騎隊使用其鎗係美國最新式者重不過兩磅每分鐘能發一百六十響云

美國某新聞紙館近查國內細息所得入息報告曰彼等既受人工又從客人領得酒錢又在家養牛養雞將牛乳鷄子賣與東家其最善鑽營者每年入息共有二十萬元過外至於四五萬元者實指不勝屈或人信嘗問一小酒館細息據某報館所查說汝每年有五萬元入息信不答道五萬元則非實二萬五千耳由此觀之細息乎濶佬耳

英國銀行所發銀紙有殘舊破損者不時繳換惟蘇格蘭各銀行不然雖至海爛亦復流用近來倫敦衛生局將其銀紙用顯微鏡一驗凡一文錢大地方約有微生物三萬餘皆是有毒足以傳染惡疾云

俄國有一婦人名沙爾奇蘇以度曲為生頃以旅行搭高加索火車火車脫軌折其五齒以將因此不能復操業也訟之法司判該鐵路公司賠款十萬元云

昨年美國各富戶捐款學校及各善堂共額一萬萬五千六百萬元其中單斯他科夫人一人已捐出六千零八十萬元加匿牙次之凡六千零二十六萬六千元云

美國加利科亞州有桑俾港其相距數里有一灣於本年六月灣頭之水忽變赤色無幾凝結成塊每塊大數十坪幼六尺漸流近岸就而觀之有無數小蟲蠕蠕而動晚上輒放磷光其蟲有毒海中動物觸之輒死試拾赤塊置之岸上覺有一種奇臭刺鼻難聞云

美國刺陀其州有一農夫患大熱病其妻知其不能癒欲試利用其熱以孵化雞卵因用一箱放雞卵四打于其中置諸病者床內將及一月忽聞箱內有聲開而視之見所放雞卵除四個不育之外悉變了小雞用人覆卵恐以此為始

非洲西岸加拿里島有一教授名腓格英刺者近考出一種機器可不假水力瀉力直向地中蒐集天然電氣以為運轉機器之用一教授所用機器乃自手製極細極劣然尚可發五百五十波特電力藉以點燈製電話電線約可與二十四馬相抵現尚秘其法不肯傳世聞將赴德國柏林領專賣文憑其器一出格致界為之別開生面即生計界亦必大受其影響矣

▲德國今皇照相最多。約共有一千餘回。賣出民間者七百餘種。其所親贈別處及未出于民間者三百餘種云。

▲英國先女皇域多利亞子孫共八十六人。其中現在生存者六十五人云。

▲美國現在有女醫六千人。

▲英倫現在五十五歲以上者有五萬二千人。

▲德國男女相較。女子多于男子九萬人。

▲美國人現有一百萬元。即中國二以上之財產者。現有三千五百四十六人。

▲瑞典挪威之兵。讀書識字者居多。俄國則百人中識字者不過三十人云。

▲歐洲各國現有之鐵路。以俄國為第一。共有一萬五千一百四十二哩。其次為德國。共有一萬四千哩云。

▲去年英國船廠所建造船艦計輪船五百九十一隻。帆船四十八隻。兵船四十一隻云。

▲近來英國國民。每名每日增加一角二分之富云。

▲英國現時捐助樂善事業。每一萬元中約占四十元之譜。

▲各國賣酒家之多。以比利時為第一。每有三十六人之處。必有一家。次為德國。每一百八十八人有一家。奧國則每二百二十人有一家。俄國則每九百九十八人有一家。最少者為挪威。每五萬二千人有一家云。

▲現在世界馬匹總數有七千萬匹。其中美國有二千四百萬匹云。

▲蜘蛛之眼有八個。其中一種有六個。

▲食甘蔗之蟲共有二十六種。

▲檀香山愛爾蘭兩島均無蛇云。

▲法國巴黎新設一例。圍人當執御時。在車上不准吸烟。近有犯此例者。判禁一天。另罰四司零。聞圍人不服。業行上控云。

▲法政府近擬有抽取鰥夫章程。凡二十至三十歲。是時正在覓配之際。徵收不可過重。每月例抽銀五元。三十至三十五歲。是時有不娶之意。徵收又要畧重。每月例抽銀十元。三十五至五十歲。是時立定不娶之旨。徵收愈要加重。每月例抽銀廿元。五十至七十五歲。是時確有不娶之據。徵收不妨過重。每月例抽銀三十元。至于七十五歲以後無婦者。每年例抽銀七角五分。蓋法國人每多不娶妻也。

▲俄國武弁最少。二十三歲方許娶妻。法國則須有十磅之資方許娶妻。

▲人若于飲酒之前。先飲橄欖油一小杯。則油可護任肺眼。使酒不得入。雖多飲不醉云。

▲美國某工程家近有新製。凡大車不須停輪。搭客自能上下。其法製一套車。客之欲上下大車者。立套車上。大車在套車下。經過自能收放。客人即因此上下。蓋套車如馬鞍式。騎于大車背上。大車設鐵軌。二以就套車腹中之雙小潤輪。而套中之四足。亦各有輪。置在鐵道兩旁之附鐵軌上。如遇大車來時。人先稍為推動助勢。以就火車。大車將套車帶任。客人即任意上下。至套車之離大車。則如蟬之脫壳云。

▲美國某商于某街之交道。貼有告白。共五萬二千八百尺。計每日閱八點鐘。最快須八日乃能盡覽。近

日郵送與人者。夾五仙一枚。謂閱此需時。聊為耐抵云。
▲英皇加冕時。賜宴貧民共五十萬人。其跑堂人七萬一千四百五十五人。是日所用食棹。延長則巨三百六十英里。牛肉三十五萬斤。羊肉十三萬斤。啤酒十六萬八千瓶。麵包七萬五千斤。黃瓜四萬三千個云。

泰西一語千金

▲質朴者。英雄之本也。瑪哥黎
▲蓋以偉大之思想。養汝精神乎。欲為英雄。即能為英雄之階梯也。比康士菲特
▲政府者。人民之政府也。依於人民而成立者也。為人民而設者也。林肯
▲英哲之士。常多敵。亦常多友。敵與友皆其所自造者也。埃彌遜
▲自由者。吾之主義也。進步者。吾之法律也。理想者。吾之模型也。亨俄
▲名譽愈高者。蜚謗愈多。蜚謗者。名士所納於世界之租稅也。無名氏
▲束縛人之思想者。自上帝之眼視之。其罪比於食人肉尤大。多黎帕
▲人民必非好亂者。人民若有暴行。是其過失耳。非其罪惡也。波兒克
▲一人之利益與一國之利益相一致。一國之利益與萬國之利益相一致。科布丁
▲行星之運動。與洋果之墜地。雖大小迥殊。然其支配之者。一理而已。道德之支配人間世亦然。無論何人。無論社會。皆可以一原理貫之。查理士沁那

思想與思想相通。精神與精神相感。列頓

▲英國人之愛自由。如愛其髮妻。法國人之愛自由。如愛其情婦。德國人之愛自由。如愛其老祖母。哈尼
▲欲阻維新事業者。欺天者也。猶欲激水而使上山。欲以繩而綯砂也。埃彌遜
▲國家之成立。動須千百年之力。而不崇朝土崩而瓦解之者。比比然也。操命
▲人之處世。如航海然。道理其羅盤針也。情欲其大風也。坡善
▲同時逐兩兔。必不能得其一。比士溫
▲人惟處獨之時。最誠實。若見于人前者。皆虛偽粉飾耳。埃彌遜
▲嗚呼。汝憂悶耶。何不觀他人之境遇。其困苦艱難。有十倍于汝者耶。和禮士
▲愛錢癖。與錢成比例。錢愈多。癖愈增。支辟拿里士
▲人之判斷事理。如觀時辰表。各各不同。而皆自謂己之所見者為正。坡善
▲克己者。真勝利者也。自勝之謂強。比士溫
▲天下事。如不倒翁。任轉之於何處。終必復其正位。埃瑪孫
▲欲制勝者。須常警惕。格文的里亞
▲治事之最大者。莫如自治。些尼卡
▲資財之幸福。幸福之最下品也。身體康強之幸福。次之。最上之幸福。維何。曰心之快樂而已。益士陵
▲誹謗者。名譽之伴侶也。雖一刻不能相離。梭士

離姐

▲宇宙之大原理皆同。向於一鵠而行。但其所由之路。各各不同。同歸而殊途。一致而百慮。坡善

▲非愛友如己者。決不能長保友誼。士昔羅

▲天助自助者。

▲羅馬國因其本身太強大而倒去。和禮士

▲不過艱難者。不知己之力。品約翰遜

▲主宰人類者何物乎。思想而已矣。拿破命第一

▲誤謬之為物猶藥也。常浮於水面。欲求真珠者。不可不入海底。特黎丁

▲問政體何種最善。曰能使吾人自治者為最善。義士

▲愚者避一惡。卻奔於他之極端。和禮士

道聽塗說

▲上海名優汪笑儂。本拔貢出身。嘗為安徽知縣。以事去官。今隱姓名為優於上海。去歲自串一戲。名曰

黨人碑。借祭京事。以影射時局。激昂慷慨。義憤動人。戲中有演說。絕似泰西大政黨首領口吻。嗚呼

若汪優者。可謂名士。可謂豪傑。

▲沈虬齋由上海往星嘉坡時。旅况頗蕭索。名妓金小寶以其為志士也。贈二百金以壯行色。噫。此中亦有人在耶。

▲曾文正入京。常寓賢良寺。李文忠入京。亦常寓賢良寺。今次袁世凱迎鑾入京。亦寓賢良寺。慰帥自待不薄。

▲榮祿宅中客廳懸一楹聯云。到甚麼地步說甚麼話。做一日和尚撞一日鐘。其意云何。請居士下一轉語。

▲邱公恪夫人吳孟班。女中傑也。有大志。嫻文學。通西語。以去臘染時疫死。去年僅十八。滬上聞者莫不

嗟惋。教會中西婦開一追悼會。演說其學問志趣。共悼惜云。

▲聞孟班嘗有身自墜之公恪大駭。孟班曰。養此子須二十年後乃成一人。若我則五年後可以成一人。君何厚於二十年外之人才。而薄於五年內之人才。且君與我皆非能盡父母之責任者。不如己也。公恪語塞。

▲張之洞之愛孫張厚焜。由日本歸鄂。忽墜馬為腰刀斫面立死。好事者點綴之曰。或見唐才常在後推

落之云。此齊東野語不足信。唐才常有文明思想。非如頑固政府。動輒逮捕家屬也。即使仇張之洞。何

仇于其孫。

▲張厚焜所乘之馬。係從日本購歸者。戰馬之良也。厚焜死後。香帥命將此馬鎗擊七十八斃之。以殉云。

▲馬有罪乎。無罪乎。冥界法廷。或有公斷。

▲粵中某生。年弱冠。卓犖有大志。庚子春夏間。康黨某聞其名。欲與其天下事。訪之於省寓。某生適歸鄉。

不過及聞之。即往省欲訪。所謂康黨者。其友聞之。告其母曰。子之子若此。禍且不測。其母急躡跡往省。

欲尼之。某生為母大談天下時局。發明捨身救國之理。其母點頭曰。此甚善。汝好為之。吾將善為辭以

解於而其母歸告其父曰有子若此吾大慰矣但欲任天下事不可不環游地球一周吾家產只有萬金不能充其游費奈何苦思一晝夜乃發願往賭博欲一擲得奇采以供給之連博連負不數日而萬金罄至今環堵蕭然而父母子三人舍身救國之志益熱云

▲庚子之秋孫逸仙黨人史堅如謀以炸藥焚兩廣督署不成流血於羊城聞其妹之智慧氣魄尤過乃凡嘗在博濟醫院學西醫通西文云事後遁於香港俄國虛無黨女子之風行將見於中國矣

▲去年廣東科試某縣縣考文題為糜爛其民而戰之有一卷之破題云恐不畏死為民流血者可謂咄咄怪文

▲廣東鄉試揭曉後諸新孝廉往謁座師正考官某一一語之曰爾等以後八股工夫仍不可荒廢一二年後必當再復云八股忠臣正復不少

▲粵人某嘗用八股體作一文以輓八股其破承題云夫子之文章何可廢也甚矣天之將喪斯文也以待來年王曰已之如之何則可

▲滬上有奇士自隱名為西狩者嘗作六少年歌曰幾令吾前有六烈士後有六少年朝亦六少年暮亦六少年烈士若更生復為六少年令吾令吾一十二少年君馬黃臣馬蒼臣馬齒已長不如溥儀少年錦袍深羅韉玉勒青絲鞭溥儀翩翩臣不敢與溥儀比肩 按幾令吾古樂府調名也

外洋入口之竹頭木屑

▲無烟政府 英國現政府有無烟政府之目蓋因政府各大臣吸烟者甚少也其首相沙士勃雷及戶

部大臣巴科以下皆全不吸烟惟內務大臣列治及理藩大臣志亞巴麟偶一用紙烟然不好之

▲吸烟大王

世界古今吸烟最多之人當以美國愛的森先生為首先生者即創製留聲機器之人於

電學發明最多者也當其用心思試驗學理之時大率每日吸最濃之呂宋烟三打常日亦吸一打內

外或規之曰此於衛生有害宜稍節之先生曰吾之吸烟已成習慣與飲食等不能為害且我全家皆

吸烟吾祖父最愛嚼烟餅而壽至百三歲云

▲婦人政黨

頃法國巴黎新立一婦人政黨海軍提督多哥比兒之夫人實為首領凡國中最高有力之

婦人皆入黨云

▲學而後嫁

英國賽兒士地方新設一婚姻專門學校其教授之科目總以養成可為主婦之資格凡

割草針繡澣濯等皆教之又加身體之訓練如生理學醫學亦其一門云以兩年為卒業之期

▲遺產分貓

法國有一老女臨終時分授遺產其所愛之貓每年給與一百二十圓為其貓診病之獸

醫每年給五圓其遺囑書登於新聞紙人之欲得為其貓者不少然其遺族以為不過是亂命耳訴於

法廷法官以為貓也者不能享民法上之權利者也故判此百二十元仍歸遺族其獸醫之五元則可

受云

▲莫大盛儀

仲尼曰敝蓋不棄為埋天也莫大之事本古今東西所常有而美國此風尤多頃有紐約

一婦人莫其愛大衣衾棺槨豐盛擬於王侯送奠之時奏樂不絕謂將以慰其靈魂又為此立墓志銘云

▲地底鐵路 美國紐約市頃開地底鐵路自西歷一千九百一十一年三月開工現在工場操作者約八千人自開工至今凡費去九百七十萬美銀其估價合同共需費三千五百萬美金即七千萬元中國通用銀

▲新婚游歷 西人新婚之後男女必相携游歷他地好奇者演種種異色或乘自由車中國人號為獨脚車或云脚踏車或乘輕氣球不一而足最奇者則近日美國有一船長新結婚挈其夫人同乘一小船船長僅二丈將橫斷大西洋以達歐洲現已起程矣

▲法兵自殺 據法國軍事叢報所統計法兵之自戕者較列國為最多計兵士死者千人中其自戕者平均五十人每十萬兵士中一年內必有二十七人自戕云

▲徒步環球 英屬加拿大有名格利托別者與人相賭徒步環游地球一周得十萬元之彩此人距今六年前由加拿大起程橫歷諸地其到滿洲時恰值義和團發難為亂民所捕幾不免經兩月乃放之更往海參崴前月經橫濱歸於加拿大

▲書籍入美 美國多外國人入籍者故入口書籍亦極多計千八百九十年入口之書籍及樂譜地圖等凡值美銀三百九十九萬四千餘元千九百年則減至三百五十七萬餘元人口增多而其數反減少者蓋自印書之業日盛也

▲成人徽章 美國紐查士省數年前制定法律凡男子公然與婦女接吻者有罰及此法實行後往往有既婚之男子與其妻告別而舉行此曲者亦被捕縛於是覺其不便乃擬於本年議院提出一案凡

既婚之男子皆佩一徽章以示識別云

▲月中噴火 頃法國天文臺大天文家某用巴黎博覽會之大遠鏡測出月球內有黑烟噴出無時休止此事若確則從來學說將為之一變舊說言月中無空氣使無空氣則物不能燃今月中既有火山則是有空氣之證也舊說言月球熱氣已盡其內部全冷而成定質但既有火山則是其質未盡凝也果爾則天文學界中又當添一新公案矣

小慧解頤錄

俗語文體之流行文學進化之一徵也吾粵言語與中原殊塗珠江女兒所常諷之粵謳一編知文者常歎為神品尚矣十年前有某學究以詆諆著名者嘗以粵語作詩二首誦之令人絕倒今錄以供茶前酒後一談柄焉但非解粵語者不知其趣又俗字多不可書不能如口誦之神妙也

賦得推秦博浪沙 得秦字五言八韻 試帖一首

詭說推皇帝如何膽咁真果然漢好漢怕也你強秦幾十斤鐵孤單一個人攔腰搬過去錯眼打唔親野仔真行運衰君白替身險些都變飛快的去還神兇手當堂過讀叶箇走也差頭到處巡亞良真正笨為咁敬清銀

垓下弔古 七律一首

又高又大又峨嶷臨死唔知重唱歌三尺多長鋒利劍八十靚溜後生哥既然塵碎爭皇帝何必頻輪殺老婆若使烏江唔割頸漢兵追到屎難痲

蘇東坡黃山谷佛印三人在杭州。日酒食微。遂惟佛印食量之大。尚過於魯智深。每次飲宴。酒有輒為所先。盡坡谷苦之一日。相與謀曰。我們何不瞞着這老禿。樂一天呢。乃悄悄僱一舟。背佛印。備小酌。以游西湖。不料佛印神通廣大。早偵知之。瞞二人之未登舟也。先登而自匿於船板下。囑舟子勿洩焉。既而坡谷至。泛舟谷與。故乎中流。時月夕也。坡謂谷曰。老禿不在座。使人整暇。我輩何不淺斟緩酌。行一雅令。以消永久。谷請坡出令。坡曰。首二句即景。末二句以四書中有數字者貼切之。且須叶韻。谷沈吟一响曰。浮萍撥開。游魚出來。得其所哉。得其所哉。坡擊節歎賞。旋應令曰。浮雲撥開。明月出來。天何言哉。天何言哉。谷方欲擊節。詎知佛印已搔着心癢。按捺不住。即在船下一面開口。一面昂頭。大聲喊道。浮板撥開。佛印出來。人馬慶哉。人馬慶哉。遂復抹髻。搖舌。據觴。奪箸。風馳雲捲。頃刻間。盤盃之四大皆空。東坡苦佛印大食。一日有饋生魚者。坡方烹而獨饗之。佛印復施施而來。坡逆見之。則倉皇匿其魚於承塵上。冀印之旋去而後食也。印已窺其狼狽狀。故絮絮不肯行。既而問坡曰。學士之姓蘇字。作何寫法。坡曰。異哉。和尚甯不識印曰。非也。吾見有寫未字於左。魚字於右者。是亦蘇字乎。坡曰。然。持俗體耳。印曰。近又見有寫魚字於艸頭之上者。亦可乎。坡曰。這卻不能了。印曰。既是不能。拿下來同喫罷。有某學政按試某縣。縣中童生無一能成一八股文者。勉強依學額取錄三名。其第一名批語為「放狗屁」。第二名批語為「狗放屁」。第三名批語為「放屁狗」。有問者曰。同用此三字。而有一二三之等差。何也。學政曰。是在文法。願諸君不解耳。試一讀馬氏文通。當知其用。夫第一名者。是人。也不過偶放一狗屁耳。第二名者是狗也。其他種能力。或尚多。不過偶放一屁耳。至第三名。則是狗也。舍放屁外。無他長技矣。

請以英文文法 Parsing 之例演之如下

(放狗屁) 放一 Verb agreeing with its nominative [A] understood 狗一 Adjective

qualifying [RE] 屁一 Noun objective case

(狗放屁) 狗一 Noun nominative case 放一 Verb 屁 Noun objective case

(放屁狗) 放屁一 Adjective qualifying [狗] 狗一 Noun

有某甲旅於外。託其鄉人某乙。帶食物歸。以給其子。乙曰。子之子。其名維何。其狀貌如何。甲曰。子不必問。但歸視諸兒童中最佳者。即我子矣。乙領之去。既而甲歸。詢其子曾否領物。子曰。未也。甲以詰諸乙。乙曰。已給之矣。甲曰。我子云未也。何居。乙曰。君告我曰。視諸兒童中最佳者。即君之子也。吾孰察之。再三最佳者。莫我子若也。既承君既以給之矣。甲乃廢然而返。君子曰。今世民族主義之盛行。彼言愛國者。亦若是已耳。嗚呼。言愛國者。亦當若是已耳。

孔子諒免

有懷疑子與尊聖子二人論學。懷疑子每喜揶揄孔孟之言。不合公理者。以為詆譏。尊聖子一一糾正之。懷疑子卒莫能難也。大哉孔子。

懷疑子曰。論語曰。民可使由之。不可使知之。此語與老子所謂法令者。非以明民。將以愚之。有何異哉。是孔子懼後世民賊之不能罔民。而教孫升木也。夫文明國者。立法之權。皆在於民。日日謀政治。思想法律。思想之普及。而孔子願以窒民智為事。何也。尊聖子曰。此子誤斷句讀也。經意本云。民可使由之。不可使

知之言民之文明程度已可者則使之自由其未可者則先使之開其智也夫民未知而使之自由必不能善其後矣使知之者正使其由不可而進於可也懷疑子無以應

懷疑子曰論語曰事君盡禮人以為諂也夫至尋常人而猶以為諂則其諂態之不堪入目可想矣何怪乎後世誦法孔子者只以為干祿之具也尊聖子曰此亦句讀之誤也經意云事君盡禮人以為諂也言號稱事君盡禮之人大率以為諂諛之具耳懷疑子無以應

懷疑子曰論語曰拜下禮也今拜乎上泰也雖違眾吾從下夫古者君臣坐而論道漢制猶有天子為丞相起天子為丞相下與蓋君不甚尊臣不甚卑焉何也君之與臣皆受民之委託而治事者耳而僕僕巫拜胡為也時制拜上已嫌其過孔子猶以為未足復等而下之無乃大貶損人格耶何怪乎人以為諂也尊聖子曰下字當訓不恥下問之下指國民也孔子以為崇拜國民禮也今乃崇拜君主則駭矣故孔子必從國民也今世歐美大政治家皆拜下從下者也故專制國媚于一人立憲國媚於庶人孔子示政治家以運動之方耳懷疑子無以應

懷疑子曰論語曰攻乎異端斯害也已夫言論思想之自由此世界所以進文明之具也泰西近世異端愈多而學界愈放大光明今孔子乃以治異端為害何其不廣乎是所謂教主之專制也尊聖子曰此語本文極為明白孔子只教人不可攻擊異端而已而朱熹不解事乃強訓攻為治是朱學非孔學也後儒或有訓已為止者言攻異端則其害止尤為無理皆以小儒之識測聖人者也懷疑子無以應

懷疑子曰論語曰天下有道則見無道則隱夫當太平時代則雍容歌舞紆青拖紫至亂世則避其難潔身以自藏袖手坐視天下之陸沈而不思拯之然則天之生聖人何為哉尊聖子曰不然天下有道則見者謂當太平之時則彰明較著以組織政黨也無道則隱者謂當朝政勢亂之時則當堅忍慎密組織秘密社會以圖匡救也蓋聖人用世之心苦矣懷疑子無以應

懷疑子曰論語曰天下有道則庶人不議夫今世所稱第一等文明之國何一不有議院庶人之議政天下之公理也孔子為此言是永陷我國於專制地獄使之千萬億劫而莫能救也尊聖子曰子未通古訓耳子不讀爾雅乎爾雅云不顯顯也不承承也古書多有以不字足句者其例不可勝數孔子此言正謂天下有道則庶人議耳不顯不承亦作不顯不承故不議亦可作不議不者大也言天下有道則庶人大開議會耳懷疑子無以應

懷疑子曰論語曰夷狄之有君不如諸夏之亡也太息於諸夏之無君曾夷狄之不若夫君主固可以立國民主亦何嘗不可以立國而孔子立言無一不惟君是賴是使民喪其獨立自治之性質也故孟子稱其三月無君則皇皇如也然則使孔子而生於今日之美國法國將終身旁皇無措矣尊聖子曰論語此文本甚明了所謂夷狄者即野蠻之別號也諸夏者即文明之別號也言野蠻專制國之有君不如文明立憲國之無君耳懷疑子無以應

是汝師錄一
疇昔讀書遇古哲格言有可為我立身治事之儀法者輒最錄之以附書紳之義久之積成一帙名曰是汝師錄抑當師此者殆非徒區區一人也因登叢報中以餉吾黨之能自得師者記者識

是汝師錄一
疇昔讀書遇古哲格言有可為我立身治事之儀法者輒最錄之以附書紳之義久之積成一帙名曰是汝師錄抑當師此者殆非徒區區一人也因登叢報中以餉吾黨之能自得師者記者識

是汝師錄一
疇昔讀書遇古哲格言有可為我立身治事之儀法者輒最錄之以附書紳之義久之積成一帙名曰是汝師錄抑當師此者殆非徒區區一人也因登叢報中以餉吾黨之能自得師者記者識

是汝師錄一
疇昔讀書遇古哲格言有可為我立身治事之儀法者輒最錄之以附書紳之義久之積成一帙名曰是汝師錄抑當師此者殆非徒區區一人也因登叢報中以餉吾黨之能自得師者記者識

觀人之法。以有操守而無官氣。多條理而少大言為主。

習勞苦為辦事之本。引用一班能耐勞苦之正人。日久自有大效。不輕進人。即異日不輕退人之本。不妄親人。即異日不妄疏人之本。

天下古今之庸人。皆以「惰」字致敗。天下古今之才人。皆以「傲」字致敗。吾因軍事而推之。凡事皆然。凡說話不中事理。不擔斤兩者。其下必不服。

辦大事者。以多選替手為第一義。

每日臨睡之時。默數本日勞心者幾件。勞力者幾件。

從古帝王將相。無不由自立自強做出。即為聖賢者。亦各有自立自強之道。故能獨立不懼。確乎不拔。昔余往年在京。好與諸有大名大位者為仇。亦未始無挺然特立不畏強梁之意。

眾口悠悠。初不知其所自起。亦不知其所由止。有才者。愈疑謗之無因而悍然不顧。則謗且日騰。有德者。畏疑謗之無由而抑然自修。則謗亦日熄。

凡人作一事。便須全副精神。注在此一事。首尾不懈。不可見異思遷。做這樣想那樣。坐這山望那山。人而無恒。終身一無所成。

身體雖弱。却不宜過于愛惜。精神愈用則愈出。陽氣愈提則愈盛。每日作事愈多。則夜間臨睡愈快活。若存一愛惜精神的意思。將前將却。奄奄無氣。決難成事。

弟書自謂是篤實一路人。吾自信亦篤實人。只為閱歷世途。飽更事變。略參些機權作用。把自家學壞了。實則作用萬不如人。徒惹人笑。教人懷憾。何益之有。近日憂居猛省。一味向平實處用心。將自家篤實的。本質還我。真面復我。固有賢弟。此刻在外。亦急須將篤實的本質復還。萬不可走入機巧一路。日趨日下也。縱人以巧詐來。我仍以渾含應之。以誠愚應之。久之。則人之意也消。若鈞心鬥角。相迎相距。則報復無已時耳。

強毅之氣。決不可無。然強毅與剛愎有別。古語云。自勝之謂強。曰強制。曰強恕。曰強為善。皆自勝之義也。如不慣早起。而強之未明。即起。不慣莊敬。而強之坐尸立齋。不慣勞苦。而強之與士卒同甘苦。強之勤勞不倦。是即強也。不慣有恒。而強之貞恒。即毅也。舍此而求以客氣勝人。是剛愎而已矣。

古之成大事者。規模遠大。與綜理密微。二者闕一不可。但講濶大者。最易混入散漫一路。遇事顛預。毫無條理。雖大亦奚足貴。等差不素。行之可久。斯則器局宏大。無有流弊者耳。

精神愈用而愈出。不可因身體素弱。過于保惜。智慧愈苦而愈明。不可因境遇偶拂。遽爾摧沮。一有焦躁。則心緒少佳。辦事不能妥善。余前年所以廢弛。亦以其躁故。總宜平心靜氣。穩穩辦去。總不使吾之嗜欲。戕害吾之軀命。

「強」字。卻不可少。功業文章。皆須有此二字。貴注其中。否則柔靡不能成一事。孟子所謂至剛。孔子所謂貞固。皆從「強」字做出。

吾輩現辦軍務。條處功利場中。宜刻刻勤勞。如農之力穡。如賈之趨利。如篙工之上灘。早作夜思。以求有

濟而治事之外。此中卻須有一段豁達冲融氣象。二者並進。則勤勞而以恬淡出之。最有意味。担當大事。全在明強二字。中庸學問思辨行五者。其要歸於愚必明。柔必強。強字原是美德。第強字須從明字做出。然後始終不可屈撓。若全不明白。一味橫蠻。待他折之以至理。證之以後效。又復俯首輸服。京師所謂瞎鬧者也。余亦并非不要強之人。特以耳目太短。見事不能明透。故不肯輕于一發耳。

凡辦大事。以識為主。以才為用。凡成大事。人謀居半。天意居半。富貴功名。皆人世浮榮。惟胸次浩大。是真正受用。

天下之理事。人才為吾輩所深。知不及料者多矣。切勿存一自是之見。在自修處求強。則可在勝人處求強。則不可。若專在勝人處求強。其能強到底與否。尚不可知。即使終身強橫安穩。亦君子所不屑道也。

困心橫慮。正是磨鍊英雄。王汝于成。李申夫嘗謂余。樞氣從不說出。一味忍耐。徐圖自強。因引諺曰。好漢打脫牙和血吞。此二語。是余生平咬牙立志之訣。

余近年得力。惟有一悔字訣。昔年自負本領甚大。可屈可伸。可行可藏。自從丁巳戊午大悔大悟之後。乃知自己全無本領。凡事都見得人家有幾分是處。

袁了凡所謂從前種種。譬如昨日死。從後種種。譬如今日生。另起爐灶。重開世界。安知此兩番之大敗。非天之磨鍊英雄。使大有長進乎。諺云。吃一塹。長一智。吾生平長進。全在受挫受辱之時。務須咬牙厲志。蓄

其氣而長其智。切不可忿然自餒也。

用兵人人料必勝者。中即伏敗機。人人料必挫者。中即伏生機。莊子曰。兩軍相對。哀者勝矣。身居絕地。只有死中求生之法。切不可盼他軍將卒。始因求助而懈弛。後因失望而氣餒也。田地不潔淨。亦讀書不得。若讀書則是假寇兵。資盜糧。陸象山

學者為氣所勝。習所奪。只可責志。程伊川

人之生不幸。不聞過大。不幸無恥。周濂溪

天下真利害。便是天下真是非。即如舍身取義。殺身成仁。安得為害。墻肉吃飽。壘上罔斷。安得為利。鄒東廓

令我制事。無使事制我。陸古樵

大丈夫凍死則凍死。餓死則餓死。方可堂堂立于天地之間。魏莊渠

去得恐愧懼底心。雖履千仞之險。只與行平地上一般。謝上蔡

今人略有些氣。傲者多。只是附物。原非自立也。若某則不識一箇字。亦須還我堂堂地做箇人。陸象山

上是天下。是地人居其間。須是做得人方不枉。陸象山

天自信天地自信地。吾自信吾。自動自靜。自闢自闢。自舒自卷。陳白沙

學至氣質變化。方是有功。程明道

未有知而不行者。知而不行。只是未知。王陽明

須是大其心。使開闊。如為九重之臺。須大做脚始得。程明道

作事若顧利害。其終未有不陷于害也。朱晦庵

狂者志存古人。一切紛囂俗染。舉不足以累其心。真有鳳凰翔於千仞之意。王陽明

利害毀譽。稱讚苦樂。能搖動人。釋氏謂之八風。陸象山

大凡為學。須要有所立。卓然不為流俗所移。乃為有立。陸象山

要當軒昂奮發。莫恁地沈埋在卑陋凡下處。陸象山

疏雜終日。縈縈無超然之意。須是一刀兩斷。何故縈縈如此。縈縈底討箇甚麼。陸象山

學者須要有廉隅牆壁。便可擔負得大事。朱晦庵

人不患無才識。進則才進。不患無量。見大則量大。高景逸

學問須從狂狷起脚。然後能從中行歇脚。顧涇凡

閒居時。有何不善可為。只是一種懶散精神。漫無着落處。便是萬惡之淵藪。劉念臺

人須在事上磨練。方立得住。王陽明

所謂必有事者。獨處一室。而此念常炯然。日夜萬變。而此念常寂然。閒時能不閒。忙時能不忙。方是不為

境所轉。王龍谿

明道之人。有是非而無今古。葉水心

洗淨二千年世界。使光明寶藏。片片發見。陳同甫

名節者。道之藩籬。藩籬不守。其中未有能存者也。陳白沙

慾不止于憤怒。凡嫉如福淺。不能容物。念中悻悻。一些子放不過。皆慾也。慾不止於淫邪。凡染溺。欲累念

中轉轉會慾。不肯舍卻皆慾也。王龍谿

以我對上帝。則上帝亦未。李見羅

直須抖擞精神。若救大治病狀。豈可悠悠歲月。朱晦庵

舍己從人。最為難事。己者我之所有。雖痛舍之。獨懼守己者固。而從人者輕也。程明道

學者好語高。正如貧子說金。說黃色堅韌。道他不是。又不可。只是好笑。程伊川

將眼前聞見。自己聰明。翹然不肯下人。可笑。呂心吾

凡飲食只是要養我身。食了要消化。若徒蓄積在肚裏。便成痞了。如何長得肌膚。後世學者。博聞多識。留

滯胸中。皆食傷之病也。王陽明

疑者覺悟之機也。一番覺悟。一番長進。陳白沙

大凡事。只得耐煩做去。才起厭心。便不得。朱晦庵

志於聲色利達者。固是小。勤摸人言語底。與他一般。是小。陸象山

大世界不享。卻要占箇小徑子。大人不做。卻要為小兒態。可惜。陸象山

今人如何便解有志。須先有智識始得。陸象山

一命之士。苟存心于愛物。於人必有所濟。程明道

克己可以治怒。明理可以治懼。程伊川

朋友相處常見自家不是方能默化得人之不是 王陽明

聖人過多賢人過少愚人無過蓋過必學而後見也 聶雙江

韓持國與伊川語歎曰今日又暮矣伊川對曰此常理何歎為公曰老者行去矣伊川曰公勿去可也公

曰如何能勿去伊川曰不能則去可矣

薛文清曰德冠古今功滿天下皆分內事與人一毫不相干

洪自誠曰蓋世功名當不得一個矜字彌天罪過當不得一個悔字

鄒南皋曰學莫先於立志千古聖人俱是一箇內身漢子只是志不宜作凡夫單刀匹馬所向無前何聖

域之難臻唐人詩云語不驚人死不休吾以為不至聖死不休也

朱子曰陽氣所發金石亦透精神一到何事不成

古語曰斷而行之鬼神避之

荀子曰百事之成也必在敬之其敗也必在慢之

薛文清曰人之自立當斷於心若實見得是當決意為之不可因人言以前以卻而易其守

程子曰言而不行是欺也君子欺乎哉不欺也

呂居仁曰今日行一難事明日行一難事久則自然堅固

王陽明誠龍場諸生書曰夫過者大賢所不免然不害其卒為大賢者為其能改也諸生自思平日亦有

缺於廉恥忠信之行者乎亦有薄於孝友之道陷於狡詐偷刻之習者乎不幸或有之皆其不知而誤蹈

素無師友之講習規飾也諸生試內首萬一有近於是者固亦不可以不痛自悔咎然亦不當以此自歎

遂餒于改過從善之心但能一旦脫然洗滌舊染雖昔為寇盜今日不害為君子矣若曰吾昔已如此今

雖改過而從善將人不信我且無贖於前過反懷羞澀疑沮而甘心于污濁終焉則吾亦絕望爾矣程子

曰人之於患難只有一箇處置盡人謀之後卻須泰然處之

朱子曰大抵事只是一箇是非是非既定卻揀擇過是處行將去必欲回護得人人道好豈有此理

程子曰難勝莫如己私學者能克之豈非大勇乎

謝上蔡曰克己須從性偏難克處克將去

或問程伊川人於議論多欲己真無含容之氣是氣不平否伊川曰固是氣不平亦是量狹人量隨識長

亦有人識高而量不長者是識實未至也

顧亭林曰恥之於人大矣不恥惡衣惡食而恥匹夫匹婦之不被其澤故曰萬物皆備於我矣反身而誠

樂莫大焉

曾文正自題楹聯曰天下無難事天下無易事終身有樂處終身有憂處

史界史塵錄

○英女皇額里查白終身不嫁羣臣或勸之嫁答曰吾已嫁得一夫名曰英吉利意相嘉當兒終身不娶

意皇嘗勸之娶對曰臣已娶得一婦名曰意大利善哉愛國之言

○嘉當兒之不娶真不娶也額里查白不嫁則不嫁而嫁過畢矣相傳大儒倍根實額里查白之子也額

后愛之甚。常欲以為嗣。為憲法所限不能遂也。故倍根常宿衛宮中。

○奈端者英國大儒。發明重學之理者也。其數學之精深。可謂古今無匹矣。但有一軼事。甚可笑者。奈端嘗蓄大小狸奴各一。愛之甚。昔曾與同臥起。而又以貓之夜出。不自由也。乃命木匠開兩穴於其寢門。大小各稱兩貓之軀。匠曰。一穴已足。奈曰。兩貓豈能一穴。匠曰。為穴能容大貓。則小貓亦由之矣。奈堅持不可。匠反復曉譬之。終不解。

○治平十九世紀者有二。一曰盧梭。曰拿破侖。人人知之。二傑皆美男子也。西俗宴會。必士女雜坐。芳澤交錯。每盧梭在坐。則羣妹之視線。皆集於一身矣。盧梭終身潦倒。所至動受窘。遂惟生平所享艷福最多。謗之者。常點綴其詞。以為詬厲云。

○格蘭斯頓生平一無嗜好。惟最喜伐木。每日下午。輒屏從者。獨憩後園。丁丁之聲作矣。其私邸附近之樹。被伐以盡云。

○俾斯麥少年最無賴。嘗賃居某豪家宅中之一樓。一日吉屋主使設一呼鈴。人以通於從僕之室。屋主傲然曰。初相時未訂及此。君如欲設。可自出資設之。俾斯麥默然居數日。忽然大聲震屋壁。主人驚起聽之。則砲聲連發於樓上。大駭。急走視之。則俾斯麥坐于壘。亂書堆中。口銜雪茄。烟從容。坐手銃在案。硝烟猶未息。主人倉皇問何故。俾曰。甚麼事。都沒有。你不必驚慌。我不過放空鎗。叫跟人耳。往後日日都是如此。你聽慣就不怕了。主人無奈。乃為設呼鈴。

○俾斯麥最拙於演說。每臨議會。輒訥訥不出於口。當其登壇。壇也。人見其容貌之魁梧。轟特以為必吐

音如雷。不知其聲纖弱如婦人。每到愈緊要之處。則其音愈低下。乃至不可聽聞。其身與手。千變萬化。瑟縮若無所容。初時猶以低聲。少頃則陸續咳嗽。每演一句。輒咳嗽一聲云。

好藩臺

▲胡文忠為人最有血誠。然亦善用權術。咸同之間。朝廷舍湘軍外。固無所倚任。然固不能無疑忌於其間也。乃特派滿洲大員監督之。官文恭文以大學士督湖廣。蓋有深意焉。曾左諸公頗憂之。胡文忠曰。是易與耳。其後官文恭卒。無所掣肘。事事惟胡曾所命。皆文忠苦心利用之功也。今記其一事。官文恭有愛妾。常欲寵異之。到任甫一月。值妾生日。偽以夫人壽辰。告百僚。擬待賀者至門。然後告以實為如夫人也。屆期客羣集。藩司某已遞手本矣。聞者以實告。藩司則大怒。索回手本。正與聞者紛議間。而胡文忠亦至。詢其故。藩司曰。一夫人壽辰。吾儕慶祝禮也。今乃若此。某朝廷大僚。豈能屈膝於賤妾。卒索手本去。胡文忠從旁贊歎曰。好藩臺。好藩臺。一乃語甫畢。竟自昂昂然傳年家眷。晚生胡林翼頓首拜之。帖入祝矣。當藩司之索回手本也。道府以下亦紛紛隨索者不少。及胡文忠以巡撫先入。祝則又相隨而入。官氏妾幾於求榮反辱。得文忠乃完其體面。妾大德之。文忠詢知文恭之愛而畏其妾也。歸署乃以夫人之意。請官妾辭。官而先告太夫人。善待之。官妾至。胡太夫人認為義女。自是官妾兄文忠矣。文忠欲有所施設。慮官為難者。則先通殷勤於其妾。妾乃日夜聆於文恭之前。曰。你懂得甚麼。汝的才具識見。安能比我們胡大哥。不如依著胡大哥。怎麼做。便怎麼做。罷。一官輒唯唯奉命。惟謹。自此官胡文驩。而大功之成。實基於是。

賜同進士出身

▲曾文正以三甲檢討出身。生平以為第一恨事。有言及者。輒自拂鬱。一日與幕中諸鄉人宴。飲。座客某以懼。妄辭聞文正戲之曰。我有一聯。請君屬對。……代如夫人洗脚。……其客應聲曰。……賜同進士出身。……文正大慚志。

曾左屬對

▲曾文正又曾戲左文襄以其姓字出一聯使屬對。聯云。……季子敢言高與余。意見大相左。……蓋文襄字季高也。左應聲曰。……藩臣徒誤國。問伊經濟有何曾。……文正輟然。

彭郎奪得小姑回

▲彭剛直督長江水師。當收復小孤山時。曾有詩云。十萬大軍齊鼓掌。彭郎奪得小姑回。蓋小孤山亦名小姑山。對岸有彭郎渡。相傳彭郎小姑男女相悅者也。故一時傳為美談。同事某將官聞之曰。可惜我不會做詩。更可惜我不姓彭。其實我收復小孤山三日。彭雪琴尚未到呢。

威妥瑪筆記

▲前英使威妥瑪久住北京。歸國後著有筆記。描寫中國官場魑魅罔兩情狀。窮形盡相。內一條云。「余初到北京。往總理衙門求晤所謂外務大臣者。及其出見。則疊疊十人。問之皆外務大臣也。余已駭之。及相見良久。莫肯發一言。余不能耐。乃先開口作寒暄語曰。『今日天氣甚好。』舌人通譯之。則彼十人者相顧錯愕。莫知所對。又良久。其中有沈桂芬者先答曰。『好。』乃彼九人者同時應和之曰。『好。』

好！好！其聲殆如狗吠。使我駭絕。」云云。其言或不無太過。然中國官場畏懼洋人之狀態。實亦有類此者。

逸老堂

前明禮部尚書錢謙益。鼎革後歸命新朝。復襲舊職。猶覲燕常自號遺民。蓋第一等無恥小人也。晚年大營第宅。自題宴客之室曰。逸老堂。有少年於夜間榜一聯於其楹云。逸居無教則近老。而不死是為

歐洲弱小之國

◎姆耳加斯公國 在法國沿海州之裏面。積二十平方啓羅米突。人口凡一萬二千五百四十人。首都曰 姆拿哥。瀕于地中海。其地山水秀美。兼帶海澳。加以氣候溫暖。夏冬之交。四方遊客屬集。常極殷聞。著名的賭場。富豪家多來此。呼盧喝雉。常一擲萬金。高興淋漓。是亦俗界之樂天地也。

國民係腓尼西亞及希臘植民之後裔。建國以來。至于今。常不失其獨立。國為公國。國公為其主長。有內閣。一法庭。一知港廳。以理國事。軍隊總數七十九人。憲兵及港兵四十四人。國家歲入之最大者。係賭博稅。以賭博而維持其國。亦風流哉。

◎哇爾丹多共和國 在法國亞黎耶州之南。為法國政府與西國天爾哇爾大僧止之保護國。全國面積四百五十二平方啓羅米突。人口凡六千。首都曰維耶霞。有人口一千。自法王路易魯多玻尼治世時。即為獨立國。國民概為樵夫牧子。國建于希尼峽間。地勢險阻。山嶽重疊。人不易到。惟沿其首都河源。以資來往上下。是豈歐洲之武陵桃源歟。其國現有大統領二人。隔年而當國政。又以為法西之保護國。

故一年入貢法國政府五百佛郎。一年入貢天爾嗟爾法廳五百佛郎云。

◎沙瑪里共和國 在意大利之麻爾治州。沿以海灣。面積九十九平方啓羅米突。人口凡八千二百。其建國遠在三世紀。迨後當十三世紀。乃定國憲。而為立憲共和國。有大統領二人。每六箇月改選之。議會用兩院制。上院議員十二人。同時即以為內閣員。下院議員百二十人。兵額九百八十三人。歲入十三萬九千佛郎云。

◎里丁斯打仁公國 在德奧兩國之間。面積百五十七平方啓羅米突。人口幾及一萬。首都曰半芝斯。有人口一千。其國公每迎與廷一貴族為之云。

◎莫列河國 介于比利時德意志兩國之間。亦屬于比德兩國。不成獨立。乃一鄉也。鄉人隔年服役于兩國。故一朝兩國若開戰端。假令其戰亘于二年之久。則一年助德國以攻比國。一年助比國以攻德國。實一奇觀也。且最奇者其人居于比德兩屬之地。而所操者係法語云。

高昌國遺蹟

高昌者西域之一國也。與西突厥接壤。唐太宗統一宇內。其王麴文泰入朝。然原一獨立國。後不應唐之徵命。不來朝貢。唐使責之。則曰。鷹飛于天。雉伏于高。猶遊于堂。鼠唯于穴。各得其所。豈不能自生耶。太宗聞之大怒。發兵征之。文泰謂其國人曰。唐去我七千里。沙磧居其二千里。地無水草。寒風如刀。熱風如燒。安能致大軍乎。云云。可以察知其國情與地位矣。不料唐兵猝至。舉其二十二城。八千四十六戶。一萬七千七百人。東西八百里。南北五百里之地。盡下之。終滅其國。改為西州。此事見于唐書。是貞觀十四年時也。

物換星移。唐祚已絕。久之而西域之統治亦墜。古高昌國都之跡。亦無有知之者。今瑞典王夙好考古之學。多賜賞學者。以探亞細亞古蹟。有一學者往訪其地。據于書史。賈于口碑。至其國都之跡。滿目積雪皚皚。乃多役土人。除其雪。雪底處處有房屋之存。千年古都。忽然出現焉。惟其家屋係木造。不如印度布啤古跡之美觀。學士乃撮影之。携還而獻于王云。

布丹使臣入朝

葱嶺之南有兩小獨立國。一為洱波爾。一為布丹。布丹人。屬于漢族後裔。曾為元世祖所征服云。倫敦布里芝消博物院中。有中日戰役錦畫數幅。一日本畫。一中國畫。中國畫者。乃繪日本戰敗。大使匍匐北京廷下。謝罪請和之狀。據聞當時戰役既開。風聞漸達于亞細亞西方。未知孰捷。會此畫來自中國。而轉傳到布丹。布丹驚議曰。聞之日本勇武冠于四隣。元世祖征之不能克。一敗而覆其全軍。今日日本戰敗。請和中國之強。可想。今不入貢。後患真不可測。乃遣使六人。齎方物。踰葱嶺。備嘗艱苦。以達北京朝廷。云。但不知當日對其使者如何曉諭之耳。一笑。

一眼隊

◎埃及自古不務遠畧。凡內國之戰爭。外患之防禦。惟面勞苦人。土耳其人。及亞留馬似。兵當其任。農民祇從事耕作。然而勞苦人。及亞留馬似人。時有舉叛旗。廢太守之積習。埃王欲為國家將來之計。固應廢絕之。而別備新軍。一千八百二十二年。埃王謨罕麥德阿黎。乃布新令。普募國民為兵。聘法人使之訓練。于是國人皆嫌惡。或有抉一目。斷一指。以免徵集者。阿黎大怒。選一眼者。編成一隊。又編手足之畸。

形者作輜重隊以懲戒之云

長人癖

普魯士王腓利的列維廉性節儉質朴而少文宮中所費恆不及中人家也唯有一事則揮霍異常一擲千金弗顧蓋其生平所最好者唯長人若有身軀奇偉而為王所悅者則不辭勞苦必得之而後已也既徵選於境內而不足又廣求於四方若有所遇而召之不來則或以賄賂或以欺騙不得則不休也其所編之長人隊約有二千四百人中有長至八尺者有一意大利人乃以四萬五千元購得之亦可見其不惜重資之一端矣所派募集長人之委員無數每有因誘拐隣國之人而起交涉者而王弗顧也其所得之長人如此其不易故愛之如拱珍寶如撫孤兒不敢稍拂其意也

吸烟議會

腓利的列維廉更有一事其兒戲亦類於長人隊者嘗開一吸烟議會其議員於臨會之時必須連吸不止即或有暫停片刻者亦須口含煙管也而王則於煙氣濛濛之間高談闊論以議國家大事

君臣驕

彼得之治俄也更漸百度一掃從前之積習易長袖委蛇之服制并下令除教士之外不得蓄長鬚若有蓄者則課以罰金量各人之身家以為輕重之率當時其臣下有紐於舊習而不肯奉命者彼得乃自持剪刀執其鬚而截之君臣之義合則留不合則去若俄廷之鬚者真可謂之為君臣驕矣

查理第十二

◎瑞典王查理第十二不世之雄主也傳聞敵國當時有北方狂夫之名歐人又評之為古今無雙之偉人少年時縱橫無度常斬大羊以試刀投其首於樓下以驚行人圍中之畜殺戮殆盡此事與晉靈公從樓上彈人頗相似而兩主之優劣非可擬矣

男性之女王

◎英王占士性極怯見白刃則瑟縮戰慄常衣厚衣以防刺客之害己雖盛暑不敢離也當時國人擬之為女王其無丈夫氣可知矣

帝王與海賊

◎歷山大王嘗獲一海賊而鞠之曰咄汝即著名巨匪惡業滿盈之斯利士一強盜乎賊應之曰予乃一斯利士一人而為兵者也

王曰咄汝兵卒也而盜竊劫掠殺人為國家之害汝之勇氣雖可稱然汝之行業可惡汝之罪惡可罰也賊曰汝之所言予都不解汝今狂呼怒罵者果何故歟

王曰汝非犯吾威權蔑吾命令擾亂公眾之平和賊害無辜以劫奪為業者乎賊曰予今被繫為汝之囚人烹之宰之唯命是從雖然予之精神固巍然不屈也願為大王言之王曰可

賊曰予今問汝汝以何者為業者王曰朕之業英雄之事業也乃當今第一之雄主絕對之征畧家也賊曰汝之名譽亦嘗聞之矣然予之猛將勁卒自問亦可以橫絕地球然予不屑為高言也

王曰咄汝等鼠竊狗偷舍殺掠之外復何所長尚敢妄言以嚇老夫乎賊曰試問戰勝者其事云何亦不

過一橫行世界。妨害平和之職業耳。所謂不守法律違背道德。無廉恥以恣殺戮者。非耶。抑予唯以從卒百餘人。出沒於林壑。以為予之所為耳。汝乃率數百萬眾。蹂躪四國。剝奪人民。其視予之焚擊村落。打家劫舍。其罪惡為何如矣。予不幸而生於平民之家。故其事業甚小而難。汝僥倖生而為帝王。故事業較大而易耳。此汝之所以強於予也。此汝之所以能為大盜也。然則我兩人之事業。果何別乎。唯有大小之差異而已。

王曰。雖然。朕之征伐。不過竄其王而再易之。覆其國而更建之耳。且予於工藝技術。哲學商法。諸學科。常鼓舞而獎勵之也。賊曰。予亦取富豪者之財物。而分與不自由之貧困者而已。豈有他哉。今汝所說之哲學。余亦知之。雖然。予與汝之所為。其傷天害理之罪孽。恐永世而不能償也。王默然有間。令從者解其縛。而有其罪。

木乃術

埃及人尊故保護死屍之情。可稱世界第一。當人之死也。親戚朋友相會而議保存之法。其中雖有貧富品位之別。然其方法之大概。第一自鼻拔取其腦。然後以脫石劍割其左腹。去其污物。洗以枕椰酒。實以珍香。復縫其創口。以鹽漬其全身。七十日後。復洗滌之。卷以麻布。以物塗其上。因富而異。其金銀五色。中等者約費二三百元。其後使如生人立之室中。親戚朋友悲哀而祭。而後送之墓地。其喪祭為人民之所最重云。是因崇拜祖先之遺靈。因而務保存其死屍。蓋古來「木乃」之術。即保存死屍之法。比醫尤盛云。

埃及之婚嫁

埃及婦女。天癸之至甚早。故婚嫁亦隨之而早。概在十歲至十五六歲之間。未滿十歲而成婚。亦不以為奇。十五六歲而為母。殆一國之風也。故十八九歲而不嫁。則鄉人甚為詫異。

婚嫁之法。皆用媒妁。非成婚之日。男女常不見面。而媒妁或親戚為之執柯。然亦有以媒妁為業者。既得兩家之承諾。男家須出多少之金。其金額雖因婦之美惡家之貧富不同。然中等家族約費百五十元左右。夫死之後。非有大故不去。蓋其財產或以一半及三分之一與婦人云。婦人概舉五六子。然下等婦人所養育者不過二三人。其餘子產出之際。有稍薄弱及形體不具者。悉棄之不顧。蓋一以貧窮不能養育多子。一以為貧質薄弱者。生長亦不能強健而永年。却不如于其初生時棄之。以免他日長成而死。其感傷尤為慘痛云。

埃及古教

埃及之崇拜動物。為宗教上一大異觀。緬非士之神社。崇拜一牡牛。名曰「埃比士」。Ophis 謂阿斯利士。Amis 亦陽之化身也。此外又有一鷹。名曰「亞伊士」。其餘或貓。或猿。或蛇。其類不一。又如大羊。狐。蛙。鼠。甲虫。鱷魚。並諸種植物。各處多有崇拜之者。其最新奇者。凡貓死則家人自刺其眉。犬死則家人自刺其髮。以表哀悼之意。當多利米朝。有一羅馬兵。偶傷一神貓。於是國民共殺之。其迷信可概見矣。埃及之教士。最貴清潔。每日凡四浴。日夜各二回。三日則褊剃全身之毛。然亦娶妻生子。此等人為社會上之最高級。

埃及與巴比倫之醫學

埃及之醫學。如內科外科眼科齒科之類。各有專門。不能兼及。其療治之法。亦舉國如一。以前人之經驗為準繩。若醫生以自己之意而施其法。苟病者一死。則醫生與殺人同罪。故明知病者之症。不可以常法治之。亦不敢易其方也。

巴比倫之婚姻

紀元前第五世紀希臘之史家希羅多德。遊於巴比倫。讀其筆記。光怪陸離。無所不有。就中以結婚之風俗為最新奇。其法略如競賣者。先出最美之女子。投最高價得之。由是人物漸下。而價值亦漸低。其醜陋而不得價值者。則被投之美女子。助以代價。而使之嫁於貧困之男子。如此則富者出金錢而娶美人。貧者得金錢而娶醜婦。於是國中之貧富。可以平均。結婚之期。一年一度。私約者為法律所禁。

波斯之葬儀

波斯古代之宗教。崇拜地水火風四元素。名曰馬志亞尼。然四者之中。以火為特尊。設壇於山頂。燃火於其中。以教士堅守之。使永久不滅。人皆謂此火。從天來也。若有以氣吹壇上之火者。是為瀆神。其罪當死。大之下。其最尊者。皆水。江湖沼澤。每歲以犧牲祭之。然以滴血入水。是為瀆神。凡污物不能投入河流。即浣濯亦禁。又其次為土。每歲亦祭以犧牲。且禁止土葬。如是。則人之死也。焚化之則為瀆。埋之則為瀆。土沈諸江河。則為瀆。水即不焚不埋不沈。而以物貯之。亦為瀆。風於是生出一種不可思議之葬儀。凡人之罹病將死也。則眾人割其肉而分啖之。然有男女之別。男子不能啖。婦人亦不能啖。男子是為腹。老人死。則殺為犧牲。以供於神。然後食之。迨風化漸開。葬儀亦漸改良。人既死。則殮之。而委諸山巔。或沙漠。以飼禽獸。然眾人猶有以為瀆土者。乃別創一法。先以蠟塗死體。使肌膚不着地。然後置諸土中。

檀香山風俗

先時檀香山教師及酋長殺戮之慘。有令人不可思議者。每值神誕慶節之日。祭司必屠宰生人。以為祭品。是以節誕之前。教師必以詐術欺騙土人。以供祭品之用。除此慘例之外。更有待別慘刑。將兩少女。賜以菓食。當其食時。忽置於死地。此菓平時禁人食之。犯者處死。每一年中。內有一女。全島之人。不能出聲。鷄犬之聲。亦在禁內。犯者亦處以死刑。此皆當日教師作弊肆虐之故也。然尚有最奇怪而慘酷者。則莫如島中酋長死之事。每逢一酋長死。則于路上殺戮平民。以為祭品。故凡有一酋長死。一聞其耗。則男女老少。相携逃入深山。土人之服其喪者。皆自焚其房屋。自棄其蓄積。自毀其容貌。自脫其牙齒。以為盡禮。總之一酋長死。則舉國無異。遭一場大兵燹。其可笑至此。溺兒之俗。凡未進文明者。多有之。中外歷史可考而知也。惟檀香山為最甚。曾有考據家謂其國人民有三分之二。為父母所溺者。其溺法。有生。奠于土中者。有投之于海濱者。但溺女多。而溺男少。是以島中男人。多于女人數倍焉。

埃及之古跡與其學術

埃及為世界之古國。古物極多。如三角石塔。其數不下百餘。實為世界之大觀。有歐洲學者。計其勞力與

時日每日用百五十萬之役夫築之。消費一千七百五十年間之歲月。此外寒水石大理石之宮室石柱
細彫密刻不可勝數。

至其學術則理學實自古而已發達。往時因研究理學及宗教。設一極大之學校。綿弗斯府特建一學
校。使希臘學者來遊。又如亞歷山港之圖書館。宏大壯麗。罕見其比。今日國勢雖屬衰頹。伊盧亞座之大
學。猶有教師三百餘人。敘利亞土耳其波斯印度及各國之來學者。一萬餘人云。
考其文學。則古代人民製造文學。多屬象形及世界推遷。文學亦變自西教侵入。遂混用希臘文字。
其他算術。化學。氣象。測量。建築。天文。醫學。彫刻。美術之諸學。皆為非常進步。其利器則非鐵而銅。而其至
精至妙者。用鐵者遠所不逮云。

蘇彝士運河

蘇彝士運河開鑿者。為法人勵節夫。實十九世紀中世界之一大工事也。但以前亦有開鑿之者。且創始
于二十年前。惟時通時塞。不能為久遠之用。據西史所載。紀元前六百年代。埃及王寧區房不用羣臣之
言。試為開鑿。忽死亡十二萬工人。因大覺悟。乃託為神而告於羣臣曰。昨夜夢天神告余曰。得享運河之
利者。只在蠻民而已。余故止之。遂廢其業。此蠻民蓋指平寧斯亞人。當時彼等掌地中海紅海之航權者
也。但此外當仍有竟其開鑿之功者。蓋曾自土中掘出一紀念碑。細考其文。所記為波斯之急雄阿斯大
王時代運河落成之事。又紀元前三十一年。安士尼阿區利模之戰。罷歸於埃及。以水淺舟楫不能通云。
則當時運河之尚存可知。至第十八世紀後。圖謀開鑿者甚多。然卒無竟其志者。即如拿破崙一世亦注

意於此。其遠征埃及。亦為此主義。時用技師禮米流之策。大有所計畫。一以歐洲大亂。一以地中海與紅
海高低甚為懸殊。水利最不適。誤其測量。遂輟其業。其後遂無經營之者。至一千八百五十四年。埃及王濟度
採用勵節夫之言。而工事乃成。

蘇彝士海峽全長八十八英里。以人工開鑿者六十六英里。其十四里因湖水及沼澤。其八里乃天然之
低地。不要開鑿者。當工程最繁之日。役夫用至三萬人以上。其所費之款。總計有一億萬元。內六千四百
萬出自股東。三千八百萬出自埃及國家云。

法語之言

馬君武

集數百年或數十年之習俗經歷。而成一俗語。欲知其國人之精神。觀其通行於國中之語。而可知
也。法蘭西為歐洲文明之中心點。為歐洲革命之原動力。譯其語與吾國人知焉。

自由如麩包。不可一日缺。 *Liberté et pain, tout*

在山之鳥。貴適于在籠之鳥。以其能自由也。 *Il vaut mieux être oiseau de campagne qu'oiseau de cage.*

失自由之人。無物而不失焉。 *Qui perd sa liberté, perd tout.*

得一好名聲。其價值如得一遺囑產業。 *Non serein vaut un héritage.*

好名聲之價值。勝過束一金幣。 *Bonne renommée vaut mieux que ceinture d'or.*

有王之國。如以鳥羽飾首。徒覺其非常。控束可厭而已。 *Une tête ornée de plumes n'est pas fait pour être couronnée.*

王國如盲國。只因有王之一身。已盲其國之一目。 *Un royaume des aveugles les borgnes sont vus.*

國之君官以服民役服役之人惟主人之意更迭之不得據為世襲產業。 *Service de grands n'est pas héritage.*
 愚工匠不知尋求善器械。 *Richard ne peut ni savoir l'usage de bons outils.*
 由業以知樹由工作以知匠。 *Et le fruit on connaît l'arbre à l'usage on connaît l'artisan.*
 學得一良好之學問如得一好枕頭。 *Un homme savamment est un bon ouvrier en; Un ignorant pour est un bon ouvrier.*
 立善志者其效為成功。 *Un homme résolu (ou l'indétermination n'est répétée pour le fait.*
 巧於說者無意善於行。 *Et l'eau parler qui n'a cure (ou l'excuse) de bien faire.*
 行爾所能死爾所職。 *Je ne tu peux mourir où tu dois.*
 行我所言者勿言我所行者。 *Parce ne que je dis et non ce que je fais.*
 苟非吾之所有雖一毫而莫取。 *Et l'impossible n'est n'est rien.*
 行事即學問。 *Un apprend en faisant.*
 逼於道德須為之事必為之。 *Il faut faire de nécessité vertu.*
 為惡者憎此。 *Qui fait le mal hait la lumière.*
 行為願規則規則者以範人之行為者也。 *Garde le règle, elle te gardera.*
 世間人無無過者。 *Les fautes sont personnelles.*
 有罪自認者減其罪之一半。 *Pieù ami est a moitié pardonné.*
 自悔者無罪。 *Qui se repent est presque innocent.*

美於行者之價值過於美於言者。 *Le bien faire vaut mieux que le bien dire.*
 舌為人身一良器具。 *Et est un tel instrument qu. la langue.*
 造物委人類各經理其生後之來程。 *Dieu a confié à chacun le soin de son prochain.*
 愛人之愛汝者人之待汝何如汝待之亦何如。 *Comme qui t'aime, comme il te fait, fais-lui.*
 愛敵如友。 *Qui veut que nous aimons même nos ennemis.*
 向僕丈人不自見其向僕而見其棄友之向僕。 *Le femme ne voit pas sa belle, mais il est elle. de son congénie.*
 食橙者遺其皮。 *Quand on a mangé l'orange, on jette l'écorce.*
 勿於跛人前學跛狀。 *Il faut pas ricaner devant les boites.*
 些小扶助可成人大美。 *Un peu d'aide fait grand bien.*
 忘恩者沽怨。 *Offense un ingrat, Et est acheter la haine.*
 施與美於受取。 *Il est meilleur de donner que de recevoir.*
 自我得之物自我失之不必有憾。 *On n'est ennuie en mourant que ce qui on a donné.*
 手之職分當施出其所受入者。 *La main qui donne est au-dessus de celle qui reçoit.*
 左手授物於右手出於自然而無計較之意人羣之施與亦當如是。 *La main gauche doit ignorer ce qui donne la main droite.*
 良友之價值過於親戚。 *Un bon ami vaut mieux qu'un parent.*

世間無有更好之鏡勝于老友者。 *Il n'y a pas de meilleur miroir qu'un vieil ami.*
 朋友相愛勝於相譽。 *Un coup valet être ami qu'admirer on. Il vaut mieux être aimé qu'admiré.*
 良朋友者為人間獨一之富。 *Un bon la seule sont riches qui ont des amis.*
 得二良友不患四仇敵。 *Plus sont deux amis que ne sont quatre ennemis.*
 寧夫一良言勿失一良友。 *Il vaut mieux perdre un bon mot qu'un ami.*
 一智仇之價值過於一愚友。 *Un coup vaut un sage ennemi qu'un sot ami.*
 因利而合之朋友如巢梁之燕。 *Si l'ami par intérêt est une hirondelle sur un toit.*
 太自愛者無朋友。 *Lui s'aime trop n'a point d'amis.*
 朋友如貨銀仇敵如債銀。 *Ami au piller, ennemi au rendre.*
 些小餽贈乃聯友誼之道。 *Les petits présents entretiennent l'amitié.*
 探望朋友乃聯情誼之小助眼遠則心亦遠矣。 *Visite vos intimes l'amitié. Soit des yeux, loin du cœur.*
 愛我者必愛我之大。 *Lui m'aime, aime mon bien.*
 復我之仇不可輕信。 *Je ne faut pas se fier à un ennemi reconcilié.*
 仇人雖死其仇不死。 *Les ennemis meurent, mais non jamais l'orgueil.*
 一切事物當思其終。 *En toute chose il faut considérer la fin.*
 人各為其自己後程之發起人。 *Chacun est l'auteur de sa fortune.*

人各為其自己所作工夫之子息。 *Chacun est le fils de ses coupes.*
 能尋出危險者能滅危險者也。 *Lui cherche le danger, au danger périra.*
 已死之大不必復視。 *Le mort n'a plus de quoi s'occuper.*
 不當驚動蜂蟻不當擾亂蜂窩。 *Il faut pas éveiller les parents, si sans point froquer une ruche.*
 行事不應等待他人只待汝自己一人而已。 *On attend qu'à soi seul.*
 智者不失時亦不失言。 *Le sage est ménager du temps et des paroles.*
 欲遠行者先備騎具。 *Lui veut aller loin ménage sa monture.*
 疑惑為安全之母。 *La méfiance est mère de sûreté, en méfiance est mère de succès.*

海外奇譚

百合花

千八百七十九年法國大統領麥馬韓一朝辭職而去。當日各報傳聞皆謂別有深意存乎其間。故敵
 屣萬乘毫無顧惜。而不知有大謬不然者。乃誤於一枝百合花耳。
 麥馬韓拿破侖三世之陸軍大將也。以功敘爵。其為人性溫厚。愛國心最重。迨拿破侖三世被擒後。人民
 稱其忠義。舉為大統領。以承爹亞之後。將軍生有愛花癖。常於居處之地。遍置名花。日賞玩其中。以為樂
 一日朝食時。見膳瓶中。插有百合花一束。香氣襲人。不同凡卉。且綴束巧緻。知為閨閣中物。心異之。正欲
 問所從來。適事忙。亦未暇深究。迨明日。此花復在座。遂大異。乃遍傳諸婢僕。問之。皆茫然不能答。惟常侍

側一小僕。若有知者。將軍急詰之曰。此花為何人所贈。爾知之乎。僕答曰。僕每日於途中值一少女。囑將此花敬呈將軍。且教僕安置處。惟其人以宮紗覆面。未見顏色。然大約非凡世中人。爾將軍聞之。暗忖曰。不知誰氏女。何鍾情若此。吾若親訪之。必能一遇耳。至翌日。見百合花較前更麗。而美人消息竟魚沈雁杳。毫無踪跡。再詢之小僕。答仍如前。將軍心急甚。遂乘馬車至四境尋訪。又不遇而返。一日正無聊時。取此花反復把玩。忽見花瓣中藏一小紙條。拆視見上書曰。妾愛君。乃以此花相贈。君若將此花插於鈕扣中。是愛花即愛妾耳。將軍默會意。以為麗人暗囑。必有佳境。乃將此花插於十字勳章處。現各國君主之章以十字大勳耳日往來於波羅湖畔。以為常。一日至湖畔訪時。見車馬絡繹。游女如雲。細查其中。并無帶百合花者。忽而一馬車迎面來。中坐一麗者。身插有百合花兩枝。將軍遂凝神視之。車中人亦轉目若送情。正徬徨間。馬馳如雷。其去已遠。將軍由是喜如狂。明日花中又得一帋條。其上僅書有感謝深情四字。而已。將軍遂將此帋密藏衣袋間。日夕觀視。柔腸欲斷。魂夢依稀。鬢髮麗人在前。過數日急不能耐。又將此花細觀。再四忽見其中有一物。形如白鴿。啣橄欖狀。拆而視之。乃一書曰。君被此花攝魂去。然不知君之深情。歎歎者。究竟愛花耶。抑愛妾耶。若果愛花而不忘情於妾。則明日十下鐘。祈君至英黎惹花園一小角門中。妾必在此待君。但勿外人見之。污妾顏面耳。將軍聞畢大喜。至次日遂知約而往。家人俱無知者。至花園中時。鐘正敲十下。見角門半開。似有人狀。將軍急欲進。麗人已從花陰中迤邐而來。將軍急近前為禮。見麗人宮紗半露。幾如碧蟾初吐。其嬌妍殆不可思議。然流麗之中。覺有一種莊嚴氣象。凜然如不可犯者。將軍心緒恍惚。魂已出舍。忽聞麗人問曰。

今日此遇。良非偶然。迴首思之。可笑亦復可憐。但妾有一言相告。君必不以妾為唐突也。將軍是時猶墮雲霧中。僅答以唯唯。半响始言曰。此事雖非偶然。然尋其情之所起。皆由卿以此相感。而僕又何能忍。然卿不知我為一枝百合花。幾乎將魂牽去。今卿忽作此言。何不憐之甚也。麗人聞之。嫣然一笑曰。將軍既如此深情。此後即名妾為百合花女史可乎。但不知此花亦與政治上有關係否。將軍聞之。既驚曰。呀。百合花者。乃法蘭西王族之徽章。今麗人忽以此花贈我。蓋謀臣測我乃法國共和政府大統領。今為尋艷而帶此百合花出入於巴黎城中。若為眾目所見。大事去矣。言念及此。不覺骨寒毛慄。怒形於色。麗人忽嬌滴滴言曰。一言冒昧。妾知過也。今夕相晤。非有他意。君若不諒。妾請從此辭。言畢遂將宮紗解去。掩面欲泣。然將軍本多情。觀此不覺心動。遂破怒為笑。再三撫慰之曰。卿勿懼。余因欲一見顏色。故冒夜而來。然多情如卿。勿論政治上有何關係。已皆置之度外。即擢我肝腸去。亦意所樂為。只求卿憐而恕之。則幸甚矣。麗人乃轉輦一笑曰。君既如此。請視妾何如。將軍斯時情不自禁。曰。今日見卿。知卿非塵世中人。故不與盟約。來此候卿耳。麗人聞之。兩頰泛紅。羞疑疑言曰。設今夕君來。妾已未在此。則君乘興而來。掃興而返。不知亦怨妾之誑君否也。將軍曰。卿勿作是言。豈有絕代佳人如卿者。亦有誑人之事乎。麗人遂乘機調之曰。承君厚愛。沒世不忘。但未知天上人間何時始能如願耳。雖然。妾乃鬼域人。將不利於君。君亦懼否。將軍曰。卿勿駭我。卿乃上界中人。今日得觀仙姿。已為凡夫萬福。悠悠此心。只求鑒之而已。麗人忽變容曰。夜已深。請速歸。妾來此久矣。將軍挽留再四。麗人一手將宮紗覆面。以一手止之。曰。君何必強索。乃爾。此處非久談地。如不忘前約。後會自有期耳。將軍問曰。卿所謂前約者為何。曰。前約

者即波羅湖畔之百合花是也。言畢遂再冉而去。將軍隨之輕呼曰：與卿言數時，尚未知芳名。此後余乃名卿為百合花，姬可乎？麗人笑答曰：是在將軍，即謂妾為鬼狐，姬叛逆，亦無不可。言時已將角門掩閉，將軍默立牆角，如有所失，旋聞馬車轆轤聲，始知麗人去香，悵然而返。然今夕此一會，巴黎城中從此遂大起風波耳。

先是普法戰爭之結果，拿破侖三世被擒後，法國政治家因重組織一新政府，有王族蝦母波爾伯者，欲再扶王政。因與麥將軍爭一國旂，蝦母伯欲仍百合花舊制。法蘭西原來以百合花為旂章。將軍則欲易以三色旂。蓋將軍先年戰勝遮拉時，常用此旂，故爾。法人素重將軍，深以三色旂為甚。於是蝦母伯之議遂寢。因深啣之，且將軍當日被選在議院時，與王黨情好亦最篤。迨就任後，亟亟於共和政事，往來漸疏。王黨乃大失望，恨之愈甚。迨此事起，王黨有隙可乘，極力攻擊共和政府，加以巴黎城中幾經革命，人心易搖。今聞大統領領有百合花事，遂展轉傳說，謠聲四起。惜將軍入魔愈深，毫無聞見，神痴夢想，尚欲再起高唐爾。

一日又約至原處一會，屆時麗人已先在面籠宮紗，微帶羞情意，將軍視之，愈覺美人嗔笑，別有天賦妙情。少頃麗人言曰：君亦嫌妾之百合花否？將軍曰：此花出卿手，既不敢嫌，亦不忍嫌，稍恨者，惟蝦母伯欲將此花易我三色旂耳。麗人復戲之曰：願將軍封妾為法蘭西王，何如？答曰：卿欲為王甚好，但未知卿為王時，當加以何樣徽號乎？麗人笑曰：妾與將軍相見，以此花即名為百合花王，不亦妙乎？將軍聞之心快，半响言曰：卿愛此虛封，何不實作一法蘭西王，更妙。况卿以絕世姿，若能高居九五，則大小臣工，必各盡股肱，即阿力五世，即蝦母伯亦當北面事卿也。麗人轉眸一笑曰：法蘭西王妾心不願作，亦不喜作，無論何

事妾皆不愛。所愛者，惟帶我百合花之人耳。將軍聞此，不覺如痴如醉，緊握麗人手，不知所云。見麗人忽正色曰：君何忘情乃爾？妾何如人，豈可作是醜態乎？將軍被叱，立退曰：余感卿之情，故手足失措耳。麗人乃乘間言曰：世間男兒無真有情者，君若實心愛妾，何不至妾家一談？將軍問曰：卿居何處？麗人笑曰：君尚未知妾家乎？妾寓非他，即台爾利士之旅館是也。將軍聞之，又一驚，暗思此旅館大半王黨窟穴，即蝦母伯每度來巴黎，亦必寓居此。今麗人忽作是言，莫非其中又有他計乎？將軍斯時心中雖料到此處，忽又轉念曰：如此翩翩仙子，諒無他慮。蓋將軍已墮落色界中，即明知前有毒蛇猛虎，然亦不顧矣。遂與麗人相約而去。迨明日午後，托他事私出宮邸，即乘馬車赴台爾利士館。至時館主人已先知其謀，乃導入一樓中，將坐忽聞隔簾一聲曰：麥將軍今何幸而來此乎？言時麗人已入。將軍凝神視之，見麗人顏色較先時所見尤佳，且面覆一鵝絨紗，秋水滴瀟，宛然如畫。慙慙致洽，更逾於曩昔。將軍乃言曰：卿勿籠此紗，令人如霧中看，甚阻清興。麗人搔首曰：妾今日有大事在身，君夢未醒，豈真以妾為最可愛之百合花乎？將軍聞此，目定口呆，始知今日來適墮圈套，乃作色曰：卿忽出此言，余亦不能怨卿。况天下豈有如是之易事乎？余乃一公爵，若卿別有所圖，或可從命，如欲倒我共和政府，即取我命去，亦不甘心也。麗人乃大聲曰：前日約君來，出於妾之美意，今忽疑妾是從前感情，竟付流水，答曰：卿言太虛。今日之事，卿先疑我非我，疑卿麗人又曰：今日事若無關於政治，或謂君受疑，亦未可知。不然，又何疑惑之有？將軍曰：卿少安毋躁，待我一年後，萬事當惟卿是從也。麗人既作怒容，曰：罷了罷了。一年後君已不在大統領位，無權無勢，與妾同耳。言未畢，忽聞扣門聲甚急，將軍起視，見館主人劈面來，匆匆向將軍言曰：今有巡查數人

來搜予家刻已登樓矣。將軍大驚，轉面促麗人曰：卿急用宮紗覆上，免巡卒見之。大失體面。麗人點首言曰：君勿過慮，妾非他人，即阿力五世之愛姬也。將軍見如此，始大悔當初之悞，且撫麗人背言曰：卿誤我矣。麗人笑而不答。將軍正心急時，見巡查已入矣。

先是兩日前，總監密受內閣命，查探大統領動靜。今果在王黨旅館中，是謠傳已實。警官遂言曰：大統領此來，果屬何故乎？警官言時，又目麗人曰：此女子纖纖如不勝衣，亦未樣有政治深謀者。將軍聞此，心志忘不自安。若言出私會事，又恐傷名譽，乃大聲曰：今日我與此女會，乃政治上關係事，勿多談也。警官遂向大統領一揖曰：將軍今與王黨有隱謀，請將此意布告國民，此下職之責任也。言畢而出。將軍此時垂頭喪氣，追悔莫及。迴看麗人已杳，不知其所之。惟案間尚置有百合花一大束，其馨芳不減昔日耳。至次日元老院中，有參將軍辭表，而大統領之職已復舉，特依為後任云。

五月花 集錄選報

當十九世紀，美洲有名女子，以一枝纖弱之筆力，披無數沈淪苦海之黑奴，使復返于人類。至今歐美人士，嘖稱之為女聖者，則批茶女士是也。女士生於一千八百二十二年，其父為博士，女士有姊，曾設學校一所。女士年十五，即肄業于其中。至年二十一，復肄業於有名之某學校，喜研仁慈學，讀耶穌救世經，益發慈悲，慨然有普渡眾生之志。其時美洲黑奴問題，無人道及。批茶獨居深念，若有所觸，以為此乃人間之至苦者，必思所以救之。既又思眇然一弱女子，豈能挽百餘年來大政治家、大哲學家所未及經營之事，而身任之。隱物色人材於風塵中，校中教師名嘉魯伊恩者，女士平日聽其講耶穌救世之學者，以為

斯人也是余之同志也。即自以身許之。完婚之後，謂其夫曰：余憫黑奴之苦久矣，思著書以救之，惜學力不足，欲求汝為助。是以適汝，其夫允之。乃益反覆痛陳其義，俠之微衷，尋即變售家產，與其夫別，携資斧獨居深山中，著書一卷，發明世界公理，無富貴貧賤皆平等，斷無可憐人類於馬牛之理。其書出，美人始恍然於役使黑奴為不台人理，猶撥數十重陰翳之雲霧，而復見天日焉。其書名之曰五月花，取其幼時在校中得聞此事於某年之五月，而心花由此怒發之意焉。先是批茶女士未成書時，美京有雜誌論黑奴事，其文字詞未精透，不足動人聽聞，并不能發其一視同仁之念。批茶書出，諸大學家，羣稱為千古不刊之作，譯成九國文字，遍布各處。未一年，銷流至百餘萬部，裝至二十一種之多。歐美大劇場，靡不奉此為脚本，而演之為戲。黑奴卒以禁用，批茶之功為何如也。此歐美人士所以贊之為女聖也。其後女士遊英倫，英人歡迎備至，著漫遊記，復蒐集諸報之黑奴餘論，編為續集。又著家庭教育學、女子社會學、家政學等書，皆其晚年之手筆也。若批茶者，誠女子中之人傑哉。

扶弱子曰：美洲一至慘酷至不仁之黑奴大問題，發其覆者，乃在一弱女子。苦心數載，成大著作，為人類造平等之福，鬚眉男子對之滋愧矣。今者我中國人，如黑奴之苦者何限，發大願力而拯救之，男子中尚鮮其人。况女子耶。豈如批茶者，獨見於美洲，不復再見於我中國耶。我願二萬萬女子，以批茶之事為五月之花，而發生其熱心也。

蔣智由曰：今世間之稱英雄豪傑，必曰丈夫，曰男兒。一若無與于女子事者，嗚呼。豈通論哉。英雄豪傑，祇發源於心力而已。無間男女一也。彼批茶者，亦自發其心力已耳。天下多女子，胡獨使批茶者得專

美於前也

尺素五千紙

社員某

某頓首。讀者諸君閣下。本報首事不過數月。而印刷之數。自二千增至五千。讀者之數。當自二萬增至五萬。才居海外。乃得借此文字。因緣與當世數萬賢士大夫。以精神相往來。榮幸何加。願以覆瓿之資。承燕石之賞。良自報耳。屢得來書。相責備以記事一門。簡陋為病。雖微尊論。固自知之。但僻在三島。涉海以求。中原文獻。動費旬日。求得而齋之以東。又費旬日。著錄印布。反哺厥母。又費旬日。則甯止六日。蒲十日。而巴為地限。為時限。記者復見。聞固陋。材力薄弱。實無術以答盛意。雖然。報館第一責任。在報新聞。固未敢全放棄此義務。今後每日有所聞。謹當飛函徧告。半月一付驛使。但無責以速且備。則免於罪戾矣。某謹復。五月十六日

讀者諸君鑒。日來國事無善狀可告。所差強人意者。惟東來游學諸青年。日漸增加一事。今年正月。此間有留學生會館之設。藉藉同瀛。錄者二百七十八人。距今未及五月。已增三倍有餘。其進步速率之比例。視本報尚有過之。以此測算。明年正月。同瀛之統計。可望至二千七百。中國前途。鬱鬱葱葱。敬為諸君賀。某白。五月十七日

某白。頃北京政府有電報與日本外部。請飭諸留學生。無得去辮髮。其已去者。勒令再蓄。否則無論官私。悉放逐出境云。此事未免無理取鬧。聞日本政府。惟以此令下。成城學校。他則置之。實不過勉強一應酬耳。政治學公例。凡一私人之言語舉動。不侵及他人自由。不傷及社會秩序者。政府不得干涉之。髮也。鬚也。若何去留。若何裝飾。皆與他人無關。礙於社會無損害。政府官吏。無可以參預之之權。本朝入關。強行

也。若何去留。若何裝飾。皆與他人無關。礙於社會無損害。政府官吏。無可以參預之之權。本朝入關。強行。雖髮。令古今萬國。無論頭等文明。四等野蠻。皆無此政體。今乃更以這般國恥之事。欲行治外法權於他邦。何苦為外國報紙。笑話一門。增一材料耶。五月十七日

頃東京之中國公使館。有日本外務省派一人為監督。凡日本人往見公使者。非有外務省紹介書。不許接見。有耶穌教教士某。三度叩閤。皆被拒絕云。蔡公使視自由為仇敵。今與此仇敵日相遠。自當愉快。但據國際法。凡外交官皆代表一國。神聖不可侵犯。今日本待我公使如此。殆以代表不自由之國。當以不自由待之耶。請諸君下一轉語。某惶恐白。五月十七日

某頓首。英國鴻哲斯賓塞爾先生。今年達於八十二齡之上壽。現代學界之耆宿。此為巨擘矣。前陽曆四月廿七日。為懸弧令辰。先生自著一書名曰。事實與評註。即於是日出版。以為紀念。書凡三十九章。內有論心意之表現。論音樂之墮落。論愛國心等章。最為博深切明。其自序云。今以此書公於世。吾敢信此為吾一生最後之著述矣。云云。先生以進化論提倡一世。學說影響徧及寰宇。今具思潮。猶不落青年新進之後。我輩展讀斯篇。能不起敬。願祝先生更作此等紀念者數度。以惠後學。諸君想有同心歟。某頓首。五月十九日

日本理學博士橫山又次郎。頃著一書。題曰。生物之過去與未來。謂將來世界。當有一種動物。其聰明更過於人類者。其立論大旨。謂下等動物。腦在後而顎在前。腦小而顎大。禽獸是也。中等動物。腦在上而顎在下。腦較大而顎較小。人類是也。高等動物。腦在前而顎在後。腦大而顎小。馴至無復牙齒。其微。據頗

警隨持論頗新穎。大足供消暑之一助。但此後果有此等高品。得毋令我輩中人以上者怖殺耶。孔子曰：後生可畏。然哉。然哉。某拾紙。五月二十日。

讀者足下。國家應有之權利。國民不可不自監督之。開平礦務局。為我國人合股份所創之有限公司。資本一百五十萬兩。每年出煤約八十萬噸。利贏頗厚。公等當矜知之。義和變起。忽借英國人名義。為保護計。亦非得已。乃自英人接手以來。規模全變。而股東絕不得與聞。頃將百五十萬兩之資本。改為一百萬磅。而收回舊股東所持每張一百兩之股票。另給以一磅之票二十五枚。所餘六十二萬五千磅之股票。則由歐洲人領受云。日本報紙謂歐人實未交一文之資本。而日持債來之股票。來售諸上海。獲利無算。云。竊意現今開平礦務局之主事者。號稱得人。未必為他人所愚。至此。但股票變動之緣。由為股東者。不可不質問受股東之委任者。不可不宣明權利思想。固當爾爾。公等以為如何。某越俎奉白。五月廿一日。連日陰雨。使人悶損。我國政界。亦霾曠不開。日接於耳目者。皆可為氣結。率奉告一二。榮慶之爭。實現今北京政海一暗潮。其波瀾或日漲日劇。以致決裂。亦未可知。日前有御史某某者。劾曹景仁。依附慶邸。當聯軍入京時。設法欲擁戴攝政。希圖富貴。請即革去道員。以保全賢王。又附片劾輝鼎與曹景仁勾結。美武官戴麗生。立民政廳。以與五城為難云云。二人皆慶王所愛也。慶聞此。摺甚怒。語其幕府云。某竟敢以叛逆誣我也。于是咸疑某京兆所嫉。使次日御史王乃徵。乃劾某京兆種種事。語極醜詆。欲下廷議。為榮相所護得免。某京兆榮相所愛也。嗚呼。大廈將傾。而燕雀猶紛紛爭稻梁謀。鄙人不復責之。惟憐之耳。某再拜。五月廿五日。

榮慶相鬧事。今據日本報紙。尚有醜聲。不足為外人道者。法商某。許賂慶邸。而求包收土約稅。每年可得三十萬元。此事若成。許每年送榮慶各五十萬。慶語榮曰。此事大裨國帑。蓋亟行之。而隱五十萬之說。不吉也。榮領焉。入告太后。太后喜。喜增多金也。事垂成矣。姑下督撫一議。法商聞之。即造榮府致謝。兼道及所謂五十萬者。榮怒慶之欲攘其利也。曰。萬事豈不在我。令各省復奏。亦多不謂然。榮遂止之。慶力爭不得。憤憤欲絕。而已。敢問讀者諸君。榮與慶兩造孰直。某再白。五月廿六日。

據電報。昨日諸公使會議。還津問題。俄使聲言。以後此事一任各國主張。吾俄不復與聞云云。俄人外交手段。實可驚絕。蓋明知此案各國將有作難。不欲以此費怨於北京政府。而嫁其罪於他國也。是日之議。竟不決。某匆匆上。五月廿六日。

諸君足下。滿洲新條約所議定。俄人以西歷七月六日。即中歷六月二日。撤兵。距今僅一禮拜耳。然俄兵今尚無束裝之色。嗚呼。權力不相等之國。而相與結約。約直兒戲耳。某白。五月廿六日。拜啟。今日乃美國獨立建國紀念日。西歷七月四日。祝砲轟轟。不絕於耳。賀旗舒舒。不絕於目。真使我輩無限感動。本日非徒美國一國大紀念日。實可為全世界人權之大紀念日。某等正容整衣。取出行篋。中華盛頓遺像。供養瞻拜。一番。聊表祝意。匆匆不多具。某再拜。五月廿九日。

詹詹錄

食菜協會

德意志與奧大利之上流人士。聯一菜蔬協會。擇地於兩國之間。盧加那湖之傍。以為會場。宴行食菜主。

義每食八簋。率皆青黃之品也。其會員不戴帽子。不穿外套。雖雪天亦然。食宿必於此。不能出會場之外也。

禁酒旅館

蘇格蘭海岸有一禁酒旅館。一日有旅客數人宿於此。皆有劉伶之癖。終夕躊躇不能忍。以金錢賂役者。使沽酒。不敢持瓶歸。而以一盃盛之。入途中為主人所覺。詢為何物。役者答為客人剃鬚之水也。主人怪其夜半剃鬚而疑之。止僕人曰。剃鬚不可無香胰也。乃置胰於盃中。

禮拜日則地球為方形

英國有一小學校教師。其教地文學之時。演地動之理。常以己之鼻煙箱比之。以示生徒。一日安息。教師領生徒他出運動。途中聞談。試驗學生以地球之形狀。時教師適持一方形鼻煙箱。一學生答曰。地球平日圓。而禮拜日則四方。

英國皇帝與禮拜二

英國皇帝過活第七。其生平之大事。悉在於禮拜二。誕生時為千八百四十一年十一月九日。禮拜二。受洗時為千八百四十二年一月廿五日。禮拜二。結婚時為千八百六十三年三月十日。禮拜二。罹熱病將死之時。起於千八百七十一年十一月廿一日。禮拜二。即皇帝位時。為千九百零一年一月廿二日。禮拜二。今年之大病。亦起於禮拜二。

無妻者之課稅

南美洲亞爾然丁共和國。有課稅無妻者之法律。自二十歲至三十歲。而未婚者。每月十圓。三十歲至三

十五歲者。倍之。三十五歲至五十歲。每月四十元。五十歲至七十歲。每月六十元。七十五歲至八十歲。每月四十元。過八十歲者。乃獲免。

無盡智囊

- ▲蟻之力量。能引行大於己五十倍以上之物。
- ▲美國哈巴特大學。自開辦以來。已出大總統三人。
- ▲歐洲婦人所用之洋紅原料。為冶容之用者。每年約五百噸。
- ▲歐羅巴全洲。傳布基督教之教會。有二百四十九個。其宣教師有一萬三千六百零七人。
- ▲現今世界上之電信局。約有十四萬四千五百所。
- ▲每日打雷之數。約一百二十五萬通以上。
- ▲美國最近之統計。其財產過二百萬圓以上者。有三千五百四十六家。
- ▲德國全國女子之數。多於男子九萬。
- ▲英國昨年一年。其郵便局所遞之信。共二十三億二千三百六十萬封。
- ▲法國五十九人中。有當兵者一人。德國八十九人中。一人。英國百人中。一人。
- ▲英國每年有七百人。誕生於航海中者。
- ▲埃及最豐饒之地。每一英方里。能養九百二十八人。猶有餘力。
- ▲昨年一年間。由加拿大遷居於合眾國者。一萬二千人。由合眾國遷居於加拿大者。一萬七千五百人。

▲盲人之數。女子多於男子。女子為一與九之比例。男子為一與十一之比例。

▲大鯨之舌。每一枚可取出鯨油一噸。

▲德奧二國。共有割草之專門學校百五十所。

▲蘇彝士運河。每年來往之船。平均有三千八百艘。每艘貨物之重量。平均有五十噸。

▲世界之湖。以西比利亞之卑加爾湖為最深。其最深之處。有四千五百尺。湖面高於海平線一千三百五十尺。湖底則低於海面平均約三千尺。

▲歐洲每年患肺病而死者百五十人。

▲歐洲語言。共有五百八十七種。

▲瑞士之旅館。位於高出海面六千五百尺以上者。有十四所。

▲專利權之最多者。以電氣王埃的遜為世界第一。昨年計。共有七百四十五個。

▲自一八六〇至一八七〇十年之間。英國每年增加鐵路。平均為五百一十英里。近來則每年增二百一十英里。

▲各國皇室之歲費額。以土耳其為最多。每年約三千萬圓以上。

▲去年土耳其國內。虐殺基督教徒之事。凡二千五百九十九件。執凶手以正法者。僅六十一件。

▲美洲一年間。產雞卵八億五千萬個。平列之可繞赤道十二匝。

▲晴天一日。全地球之自由車。約走一億萬英里。能繞地球四千週。

▲視力之敏銳。以蜜蜂為最。

▲全世界每年所產之砂糖。共八百萬噸。其四百五十萬噸出於甜菜。三百五十萬噸出於甘蔗。

▲英國人之生涯。以中壽六十年計之。睡眠二十年。食事三年零九月。動作十七年半。遊樂七年半。散步

與運動六年零三月。修容之時刻二年半。修容之中。剃面七月。洗面十一月。修飾衣服一年。此外。澹然兀然。無所事者。約兩年半。



